

Cierre di frontera aereo cu Venezuela ta continua: Extension confirma te fin di juni



Pagina 3

- **Aruba ta avansa den digitalisacion di finanzas publico cu introduccion di E-Begrotingssysteem**

Pagina 2

- **Banco Central di Aruba a mantene e reserva obligatorio pa banconan comercial na 12,5%**

Pagina 6

- **Dia Mundial di Autismo: Un yamado nacional pa inclusion y sosten**

Pagina 4

ACF y Turtugaruba cu tips pa campistanan banda di lama



Pagina 6

CMC ta nenga cu a blokea Inspectorado di Salud Hulandes



Pagina 8

Hospital di curason pa mucha na Cuba ta enfrenta decisionnan dificil



Pagina 7

EASTER BINGO

\$32,056

PROGRESSIVE™

BACK TO BACK EASTER BINGO!

April 5-6 | 1pm

8 Games to Play! \$8.50 for 4 Cards!

Progressive within 51 Calls	Progressive within 52 Calls	Progressive within 53+ Calls
\$2,500	\$1,000	\$750

Special Door Prizes | Over \$2,500 in Total Payouts!

Double your prize with **DOUBLE POWERBALL™**

*Progressive within 50 calls, amount unless hit before 4/5/26. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$150
Game 4	Letter H	\$200
30 Minute Break / Pick 5 Winners		
Game 5	+ or Cross	\$300
Game 6	Postage Stamps	\$400
Game 7	Letter T	\$500
Game 8	Full Card	\$1,000

Alhambra

CASINO AND SHOPS

Open daily 10am to 3am | J.E. Irausquin Blvd #47 | 288.9000 | casinoalhambra.com

Play Responsibly. Visit www.gamblersanonymous.org if you or someone you know has a gambling problem.

Boso a haya nan? Awe nos ta revela e articulonan di 1 april

Den edicion di Bon Dia Aruba di dia 1 di april, tabatin algun noticia cu tabata 'fake news', y awe nos lo revela cua ta e articulonan en cuestion.

Na prome luga nos tin "The Walt Disney Company den negociacion pa un parke na Aruba", y aunke HTC no a haya rason ainda, porta den futuro si!

Siguiente, "Stichting Monumentenfonds cu proyecto nobo den conmemoracion di 50 aña di Status Aparte" y "U.S. Southern Command ta confirma cu a detecta UAP den shelo di islanan ABC" tabata fake news, pa awo...

Y por ultimo, "Artista Joseph Marr lo trece un di su esculturanan famoso na Aruba" tambe tabata fake news, aunke un exhibicion di arte cu bo por come ta zona bunita y delicioso!

Aruba ta avansa den digitalisacion di finanzas publico cu introduccion di E-Begrotingssysteem

Minister di Finanzas, Asunto Economico y Sector Primario, mr. Geoffrey Wever, ta anuncia cu Gobierno di Aruba ta marca un paso strategico importante den modernisacion di finanzas publico cu implementacion di un sistema digital nobo: e E-Begrotingssysteem. E iniciativa aki ta forma parti integral di ehecucion di Landspakket Thema A Financieel Beheer, cu tin como meta pa asina logra un gobierno "in control" y garantiza un maneho di finanzas publico mas solido, transparente y eficiente.

E proyecto a yega na un momento decisivo dia 13 di januari 2026, ora Consejo di Minister a duna aprobacion formal pa digitalisacion completo di e proceso di preparacion y modificacion di begroting. Siguiendo e decision aki, gobierno a activa e proceso pa haya financiamiento via un subsidio di €174.100 door di TWO-Nederland, cu lo permiti ehecucion di e sistema den 2026. Unabes e financiamiento ta formalisa, Directie Financiën lo inicia un proceso di destaho publico pa adkision di e sistema, conforme normanan di transparencia y gobernacion responsabel.



E introduccion di e E-Begrotingssysteem ta representa un cambio fundamental den e forma cu gobierno ta planifica, ehecuta y controla su recursonan financiero. E sistema lo crea un infraestructura digital robusto cu lo fortalece alineacion entre e meta di maneho publico y uso real di fondo publico, asina cu cada decision presupuestario ta directamente conecta cu resultado concreto pa comunidad. Alabes, lo facilita un ciclo presupuestario mas eficiente, cu lo permiti un nivel mas halto di rendicion di cuenta na Parlamento y na tur ciudadano. E standarisacion di procesonan financiero entre

ministerionan y departamentonan lo aumenta transparencia y consistencia den maneho financiero.

Implementacion di e sistema lo tuma luga den diferente fase pa asina garantiza un transicion solido y responsabel. Den prome mitar di 2026 lo enfoca riba entrenamiento di personal di Directie Financiën y uso parcial di e sistema pa preparacion di begroting 2026. Den segunda mitar di aña lo sigui cu e desaroyo completo di e plataforma, cu tin como meta final un sistema cu ta completamente operacional pa tur ministerio y departamentonan pa ora di preparacion di begroting 2028.

Minister Geoffrey Wever a enfatisa e importancia strategico di e proyecto den e vision di gobierno: "Digitalisacion di nos proceso presupuestario no ta simplemente un adelanto tecnico, pero un paso structural pa fortalece confiansa den gobierno. Nos ta crea un sistema unda transparencia, control y responsabilidad ta central, pa asina garantiza cu cada florin ta wordo inverti di manera eficiente y di acuerdo cu prioridadnan di nos pais."

Minister Wever a destaca cu e iniciativa aki ta directamente

alineado cu e prioridadnan di Programa di Gobernacion AVP-FUTURO 2025-2028, caminda modernisacion di gobierno, e-government y fortalecimiento di finanzas publico ta elemento clave pa un economia resiliente y duradero.

Ademas, Minister Wever ta reconoce e colaboracion estrecho entre Consejo di Minister, Directie Financiën y partnernan internacional, cu a haci e progreso aki posibel: "E resultado cu nos ta mira awe ta fruto di colaboracion serio y compromiso comparti. Nos ta sigui traha cu disciplina y determinacion pa construi un gobierno moderno cu por responde efectivamente na necesidadnan di nos ciudadanonan."

Pa garantiza transparencia completo, minister Wever a solicita un sesion habri cu Parlamento pa duna un update amplio riba e status di tur e proyectonan di Landspakket relaciona cu fortalecimiento di e columna financiero di Aruba.

Cu e implementacion di e E-Begrotingssysteem, Aruba ta confirma su direccion pa bay na un gobierno mas digital, eficiente y responsabel, un base firme pa crecimiento economico duradero y bienestar di tur ciudadano.

A pesar cu DIMP ta traha duro pa procesa tur peticion, Atraso den entrega di recibo di pago di number di auto a causa preocupacion

Recientemente, Bon Dia Aruba a ricibi informacion cu tin algun ciudadano a haya boet di polis pa motibo di no tin comprobante di pago di number di auto. Esaki a pesar cu Departamento di Impuesto no a logra manda tur persona cu si a paga nan

comprobante.

Diferente ciudadano cu a combersa cu Bon Dia Aruba a expresa preocupacion despues di a mira informacion comparti riba rednan social, indicando cu polis ta parti boet pa motibo di no tin nan recibo di DIMP pa pago di impuesto di vehiculo di motor. Riba rednan social, usuario di inicial Y.F. a bisa cu polis a par'e pa control, y el a mostra comprobante di pago. Sinembargo, polis a bisa "no bo ta haya boet pa esey mester tin recibo," segun e usuario. Esaki sigur a crea hopi preocupacion entre comunidad. "Mi a paga na tempo y a upload tur cos riba website di DIMP," un persona a bisa. "Pero ainda mi no a haya e recibo. Con mi por haya boet si ami si a cumpli?" un ciudadano preocupa a expresa.

Polis "por wak den e siste-



ma" Bon Dia Aruba a acerca hefe di comunicacion di polis, Sra. Liliana Rasmijn, pa puntra si ta asina cu polis ta duna multa na ciudadanonan cu no a ricibi nan recibo for di DIMP. "Mi no por bisa cu siguransa cu polis lo a duna boet pa no tin e comprobante di pago di DIMP," Rasmijn a bisa. Segun Rasmijn a indica, no ta asina cu necesariamente polis lo duna un boet den e casonan specifico aki. "Si e persona por muestra e pago online e lo por yuda tanten," Rasmijn a indica. Sinembargo, mas importante ta e hecho cu Central di Polis tin acceso na e informacion

di pago, y pues por verifica si e persona en cuestion a paga of no.

"Central di Polis tin update regular di DIMP na unda por wak si e number ta paga en berdad," el a splica. "Dus [e persona] cu a post por a bay DIMP y bisa nan cu e no a haya su recibo. Mi no por bisa cu siguransa cu polis lo a duna boet pa no tin comprobante di pago di DIMP, pasobra nos por wak den e sistema," Rasmijn a bisa. "Si den sistema e pago di number no ta paga, e ora si polis lo a duna boet pa no tine paga."

Den e caso specifico aki, si e persona por proba cu si

a paga, e ora e no lo mester haya un boet.

DIMP procesando 300 pa 500 peticion pa dia

Bon Dia Aruba tambe a acerca managing director di DIMP, Sra. Luenne Gomez Pieters, pa puntra tocante e atraso den entrega di recibo pa clientenan cu a paga nan number di auto na tempo. Gomez Pieters a confirma cu ainda tin hende pendiente di haya nan recibo, pero cu ta trahando duro riba esaki, procesando entre 300 pa 500 peticion cada dia.

"Nos a ricibi 14.036 peticion y a procesa 6.346," el a conta. "Locual cu ta pendiente ta wordo trata den un norma di trabao di 300 pa 500 peticion pa dia."

Asina ta cu ta spera cu "pa fin di april lo keda cla cu e peticionnan cu ta pendiente."



Cierre di frontera aereo cu Venezuela ta continua: Extension confirma te fin di juni

Aeropuerto Internacional Reina Beatrix a confirma un extension mas di e cierre di e frontera aereo cu Venezuela, manteniendo e suspension di vuelonan mientras cu autoridadnan ta sigui evalua condicionnan pa un posibel reapertura mas laat e aña aki.

Segun e ultimo aviso di aviacion emiti, e prohibicion riba vuelonan comercial di pasahero, transporte di carga, y aviacion general entre Aruba y Venezuela a ser prolonga te 27 di juni. E extension a ser formalisa pa medio di un Notice to Airmen (NOTAM), un mecanismo internacional cu ta ser usa pa informa aerolinea y pilotonan di e restriccionnan operacional.

Na comienso di luna di maart caba prome minister Mike Eman a declara cu e politica actual ta mantene e frontera aereo cera te por lo menos e periodo entre mei y juni, ora cu ta spera un decision nobo. E extension ta refleha un continuacion di medidanan cu ta na vigor desde 2019, ora cu trafico aereo transfronterizo entre Aruba y Venezuela a ser para memey di tensionnan politico y preocupacionnan di seguridad.

Oficialnan di gobierno a en-



fatisa cu e extension no ta indefini, sino mas bien parti di un proceso di evaluacion continuo. Gobierno a indica cu un decision final tocante si mester habri back of prolonga e cierre mas aleu lo ser tuma den e proximo lunanan, dependiendo di e condicionnan geopolitico y operacional cu ta evoluciona.

E cierre ta keda mara na varios factor clave. Autoridadnan ta sigui muestra riba preocupacionnan relaciona cu control di migracion, seguridad di frontera, y e capacidad institucional adecua prome cu reanuda vuelonan. Un punto importante ta e disponibilidad di e mision diplomatico Hulandes na Caracas, cu

mester ta completamente ekipa pa procesa e peticion di visa pa biaheronan. Segun prome minister Eman calculacionnan actual ta sugeri cu e embahada tin e capacidad pa atende te cu 8.000 peticion di visa pa luna, y actualmente aproximadamente 5.000 peticion ta ser procesa caba, loke ta nifica cu tin espacio pa aumento di demanda si biahe reanuda.

Na mesun momento, funcionarionan a reconoce cu e preparacionnan pa un posibel reapertura ta andando caba. E gobierno di coalicion actual a expresa un inclinacion general pa reapertura di frontera, particularmente na momento cu otro pais y teritorionan

bisiña a cuminsa restaura conexionnan cu Venezuela. Sinembargo, autoridadnan ta subraya cu cualkier decision mester ta aline cu e posicion mas amplio di Reino Hulandes, cu ta hunga un rol decisivo den politica exterior y asuntonan relaciona cu frontera.

E debate riba reapertura ta sigui genera discusion den comunidad. Partidarionan ta argumenta cu restauracion di biahe directo y lasonan comercial por fortifica lasonan economico, reduci costo di mercancia, y facilita movimiento pa famianan cu tin conexion entre Aruba y Venezuela. Otronan ta urgi cautela, adviertiendo cu reap-

ertura mucho lihe por aumenta riesgonan relaciona cu migracion irregular, contrabando y inestabilidad liga na e retonan economico y politico continuo di Venezuela.

Desaroyonan regional tambe a influencia e acercamento di gobierno. Funcionarionan a indica cu discusionnan ta andando y cu tin un optimismo cauteloso tocante un posibel reanudacion di vuelonan den futuro cercano. Na mesun momento, autoridadnan ta sigui vigila e cambionan geopolitico na Venezuela y den e region mas amplio prome cu tuma un determinacion final.

Mientras cu ya caba a habri frontera maritimo entre Aruba y Venezuela, e frontera aereo ta keda cera debi na su exigencianan operacional y regulatorio mas compleho. Como resultado, biaheronan mester sigui depende di rutan indirecto pa biahe aereo entre e dos localidanan.

Pa awor, Aruba ta mantene un postura cauteloso, balansando interesnan economico y lasonan social di hopi tempo cu e necesidad pa garantisa seguridad, preparacion regulatorio, y alineacion internacional. Ta premira un decision definitivo riba e futuro di e frontera aereo entre mei y juni.

Rapport riba bishita parlamentario Hulandes a subraya finanzas, economia y sostenibilidad na Aruba

E rapport recientemente publica riba e bishita di trabou di e delegacion parlamentario Hulandes na Aruba ta cubri e resultadonan di e bishita ku a tuma luga na februari den cuadro di e Consulta Interparlamentario di Reino (IPKO), den cual Parlamento di e cuater paisnan dentro di Reino ta coopera.

E rapport ta enfoca riba e situacion actual na Aruba y e cooperacion mas amplio den Reino. Temanan central ta inclui supervision financiero, desaroyo economico, sostenibilidad, y e necesidad pa haci economia menos dependiente di turismo.

Durante e bishita, e delegacion, consistiendo di miembros di tanto Eerste y



Tweede Kamer, a hiba discusionnan cu representantenan di gobierno di Aruba, comunidad empresarial, y otro organisacionnan pa haya un

bista actual y amplio di e retonan y oportunidadnan riba e isla.

Durante un briefing di Rep-

resentacion di Hulanda na Aruba a trata e situacion social economico y e panorama politico. Banda di esaki a tira un bista pa dilanti riba posi-

bel legislacion nobo pa loke ta trata supervision financiero, incluyendo e desaroyo di un Ley di Reino y e Ordenansa Nacional cu ta compana esaki. Den e rapport ta identifica e materia aki como un area clave di enfoca pa futuro relacionnan administrativo y financiero dentro di Reino.

Durante discusionnan cu gobierno di Aruba, incluyendo prome minister Mike Eman y diferente minister, a trata diferente topico strategico. Por ehempel a trata e desaroyo di e debe nacional y finanzas publico, como tambe e rumbo economico mas amplio di Aruba.

E enfasis aki tabata riba haya un balansa entre crecimiento economico, sostenibilidad, y un reparticion husto di rikesa bao

Dia Mundial di Conscientisacion di Autismo: Un yamado nacional pa inclusion y sosten

Dia Mundial di Conscientisacion di Autismo, observa anualmente riba 2 di april, ta sirbi como un momento importante pa refleha riba inclusion, comprension y sosten pa individuonan riba e spectrum di autismo. Na Aruba, e dia aki ta carga un significado creciente segun cu e conscientisacion ta aumenta y stakeholdernan den tur sector ta reconoce tanto e progreso realisa como e retonan cu ta keda.

Autismo ta un spectrum cu ta afecta individuonan di diferente manera, influenciando comunicacion, comportacion y interaccion social. Como tal, inclusion significativa ta rekeri mas cu conscientisacion so, e ta boga pa accion coordina, politica informa, y un sociedad compasivo dispuesto pa adapta y crece.

Ultimo añanan, Aruba a tuma pasonan importante pa reconoce autismo como un prioridad nacional dentro di enseñansa y desaroyo social. Scol, dunadornan di cuido di salud y gruponan di defensa a colabora mas y mas pa crea trayectonan pa sosten. Sinembargo, e realidad pa hopi famia ta keda compleho. Acceso na diagnostico trempan, servicio specialisa y sosten con-



sistente ainda ta desigual, y nabea e recursonan disponibel por ta un reto. Pa muchanan riba e spectrum, intervencion trempan ta crucial, sinembargo retrasonan den identificacion y referencia hopi biaha ta nifica oportunidadnan perdi durante fasenan clave di desaroyo.

Un logro significativo den e esfuersonan continuo di Aruba a sucede recientemente. Dia 24 di maart ultimo Comision Nacional di Autismo a presenta e rapport "Stand van Zaken: Onderwijs en Inclusie op Aruba" na varios minister y stakeholders, resaltando retonan structural continuo den deteccion, diagnostico, referencia y sosten di autismo trempan. Mientras cu

e sector di enseñansa ta muestra boluntad pa inclusion, scolnan ta enfatisa e necesidad pa condicionnan mas fuerte manera aumento di experticio profesional, sosten den klas, colaboracion multidisciplinario, y guianan mas cla. E rapport tambe ta señala cu envolvimento di mayornan ta esencial pero hopi biaha ta ser stroba pa falta di informacion, limitacion di tempo y flexibilidad limita di trabao. E rapport lo ta disponibel publicamente entrante 2 di april 2026, Dia Mundial di Conscientisacion di Autismo.

E rapport aki ta subraya un realidad cu hopi famia na Aruba conoce caba: inclusion no ta simplemente pone muchanan

den klasnan mainstream. Inclusion di berdad ta rekeri preparacion, recursonan y sosten continuo pa tanto estudiante como educadornan. Hopi biaha maestronan ta den e liñanan di frente di inclusion, sinembargo hopi ta expresa e necesidad pa training mas specialisa y hermentnan practico pa sostene studentenan cu necesidadnan di enseñansa diverso. Sin sosten adecua den klas, hasta e educadornan mas dedica por lucha pa cumpli cu e exigencianan di educacion inclusivo.

E enfasis riba colaboracion multidisciplinario ta particularmente importante. Autismo no ta existi den isolacion for di otro aspecto di bida di un mucha. Sosten efectivo hopi biaha ta encera coordinacion entre educador, psicologo, logopeda, ergoterapeuta y famianan. Ora e profesionalnan aki traha hunto, nan por crea un sistema di sosten mas holistico y consistente. Sinembargo, construi y mantene e colaboracion ey ta rekeri un cuadro di trabao cla, canalnan di comunicacion y inversion.

Envolvimento di mayornan ta un otro factor clave cu a subraya den e rapport. Mayornan hopi biaha ta e defensoran mas fuerte pa nan yiunan, y toch nan ta enfrenta nan propio bareranan. Acceso limita na informacion tocante autismo, combina cu orarionan di trabao exigente y insuficiente flexibilidad na lugar di trabao, por haci e dificil pa mayornan participa completamente den desaroyo y educacion di nan yiu. Atende e bareranan aki ta esencial, no solamente pa e bienestar di e mucha pero tambe pa fortifica e sistema di sosten en general.

Dia Mundial di Conscientisacion di Autismo na Aruba pues no ta solamente simbolico, e ta un yamado pa accion, y un invitacion na comunidad pa bay mas leu cu campananan di conscientisacion y pa cambio real. Esaki ta inclui mehoracion di procesonan di screening trempan, reduccion di tempo di espera pa diagnosis, y garantisa cu sistemanan di referencia ta cla y eficiente. E ta nifica tambe inverti den formacion di maestro, amplia servicio di sosten dentro di scolnan, y crea ambientenan caminda tur estudiante por prospera.

Mesun importante ta e rol di conscientisacion publico den reduccion di stigma. Mal concepcionnan tocante autismo por conduci na exclusion, mal comprendemento y oportuni-

dadnan perdi pa individuonan riba e spectrum. Door di fomenta un cultura di aceptacion y respet, Aruba por crea un sociedad unda diferencianan no solamente ta ser reconoci pero balora. Campananan di conscientisacion, eventonan di comunidad, y combersacionnan habri tur ta contribui na e cambio cultural aki.

Dunadornan di trabao y lugarnan di trabao tambe ta hunga un rol importante. Segun cu muchanan cu autismo ta crece bira adulto, oportunidadnan pa empleo significativo ta bira crucial. Lugarnan di trabao inclusivo cu ta reconoce e forza y potencial di individuonan riba e spectrum por haci un diferencia significativa den nan calidad di bida. Flexibilidad, comprension y acomodacionnan rasonabel por habri portanan cu di otro manera lo por keda cera.

E discusion y acuerdonan cu a sigui e presentacion di e rapport di e Comision Nacional di Autismo ta ofrece un sentido di optimismo. Nan ta sugeri un compromiso comparti entre esunnan cu ta traha politica, educador y stakeholdernan pa atende e bareranan existente y construi un sistema mas inclusivo. Sinembargo, progreso lo depende di esfuerso continuo, responsabilidad y colaboracion den tur sector.

Mientras cu Aruba ta marca Dia Mundial di Conscientisacion di Autismo, e ta para na un crusada importante. E fundeshi pa cambio ta ser poni, pero e trayecto pa inclusion completo ta continuo. E no ta rekeri solamente politica y rapportnan, pero tambe accionnan di tur dia—dentro di klas, lugarnan di trabao y comunidannan—cu ta refleha un compromiso genuino pa inclusion.

Finalmente, e meta ta cla: pa crea un sociedad caminda individuonan cu autismo ta ser sosteni, compronde y empodera pa alcanza nan potencial. E vision aki ta beneficia no solamente esnan riba e spectrum pero henter comunidad, inclusion ta enriquece sociedad door di brasa diversidad, fomenta empatia, y reconoce cu tur hende tin algo valioso pa contribui.

Dia Mundial di Conscientisacion Autismo ta recorda Aruba cu conscientisacion ta solamente e comienso. E trabao real ta sinta den converti e conscientisacion ey den accion, sigurando cu cada individuo, sin importa nan luga riba e spectrum, tin e oportunidad pa pertenece y tin exito.

Caribbean Speed Printers N.V.

Relaciona cu celebracion di
Semana Santa

Ta participa cu **NO** lo tin edicion regular di **Bon Dia** y **Aruba Today** riba 3, 4 y 6 di april, 2026.

Pa e motibo aki ta hasi un suplica na tur esunnan cu ta desea di publica aviso den Bon Dia y Aruba Today pa diamars 7 di april pa por favor email: aviso@bondia.com

Gerencia

Bon Pasco Grandi

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirksz

Colaboracion

Agence France Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Aruba mas bien ta... Highvalue, high impact...

Tur parti di mundo politica ta funciona entre otro via lema, consigna politico cu ta yamativo y ta promove un base electoral, pa corto o largo tempo, segun cu e exito logra. Nos pais no ta nada diferente den esey y nos tambe ta consumi un cierto cantidad di lema cu ta simboliza loke tal o cual partido kier promove. Nos tin tambe e lemanan 'obligatorio' cu practicamente tur partido ta apoya y usa, lamentablemente mas tanto sin exito den ehecucion. Lema manera 'desaroyo sostenible' y desaroyo duradero' y, specialmente orienta riba turismo, 'high value, low impact', cu por scucha na tur momento, sin cu ta mira un profundizacion y mucho menos accion concreto den ehecucion, mas tanto faltando accion gubernamental. Pa atende e ultimo aki, un analisis mas di cerca lo resulta pronto den e descubrimiento di un realidad contradictorio, cu no ta keda clarifica ni contradeci. Loke ta haci ta keda ripiti e lema incansablemente, sperando cu esey lo hiba na su realizacion. Sin embargo, bida no ta bay asina y mester duna claridad unda realmente nos ta para. Kico ta e caso? Laga nos cuminsa cu puntra nos mes: kico ta 'high value'? Nos ta comprende cu valor halto tin dos cara: un di e bendedor di servicio y un di e cliente. High value percibi pa e empresario no necesariamente ta ocasiona e mesun percepcion favorable di e cliente. E empresario, un hotel of otro forma di acomodacion, tin den su man e propio producto. Aki e tin e posibilidad di haci loke e ta desea, dentro di e limite cu inversion posible ta impone. E ta 'bende' su producto como 'high value', pero en berdad esey e ta? Den cierto sentido si y den otro: no. Laga nos splica. Cu nos tin bon y hasta sublime acomodacion aki, sin duda algun y merito na esun cu merece. Pero, den e totalidad di posibilidad den nos region nos acomodacion mas costoso ta cualifica automaticamente como 'high value'? E contesta ta 'no completamente', pero pakico no? E mihor acomodacion na Aruba ta parcialmente 'top' na Aruba y den region. Den region tabatin e desaroyo den direccion di 'niche market' di valor halto, di unidad chikito, mas tanto cu playa priva y amenidad exclusivo. Esakinan ta e lugarnan elite, cu ta forma e top di e piramide di turismo di alto valor. Pa tur claridad, tin pais cu tin tanto turismo mas masivo di calidad bon te mediano, banda di resort exclusivo 'top' manera indica anteriormente.

Awor, e pregunta clave: unda Aruba ta posiciona? Aruba ta entre e destinonan grandi, cu tin mas di un milyon turista pa aña. Nan ta Cancun, Cuba, Jamaica, Republica Dominicana, Puerto Rico, Bahamas y Aruba. Den e club exclusivo aki Aruba ta esun mas chikito, cu Bahamas esun mas cerca cu mas di 400.000 habitante. Ademas

Aruba no tin participacion den e negoshi di resort exclusivo, pasobra nos realidad, cu costa publico, salvo algun excepcion pa puerto y algun otro excepcion, ta diferente y no ta duna base pa tal tipo di actividad. Nos ta anto den e 'top contendernan' di turismo di masa y nos ta hopi bon den esey, mantenendo un prijs averahe considerable. Sin embargo, e lema 'high value' no ta significa automaticamente e cualificacion, sigur no di banda di e cliente.

'Low impact'?

E aspecto di 'low impact', riba su mes ta un obhetivo honorable, pero nos politico y representantenan di e sector turistico no por djis tira e lema aki den laira y kere cu esey ta suficiente. Si nos por bisa cu na e parti di 'high value' nos ta mira punto positivo, esey no ta e caso ora ta papia di 'low impact', pasobra esey no ta existi. E problema fundamental ta cu, manera bisa anteriormente, e empresario mas tanto ta responsable pa su propio empresa, unda e por considera pa mehora loke e ta ofrece, pero fuera di su alcance ta loke ta toca na gobernacion pa actua. Aki tin hopi cos pa haci, si gobierno no kier logra solamente e 'low impact' den diferente sentido, sino tambe e metanan mas general di 'desaroyo sostenible' cu a bira parti indispensable di e repertorio di cualkier partido politico.

Laga nos limita nos aki na e impacto riba medio ambiente. Ora nos a move di 1 milyon bishitante pa aña pa 1,5 milyon turista, kico a tuma como medida di precaucion pa limita daño, por ehemplo riba naturaleza? Mitar milyon mas hende ta significa tanto auto mas, tanto ATV/UTV den mondi sin un reglamentacion cu merece e cualificacion ey pa e vehiculonan aki. Nos a mira algun medida pa 'phase out' vehiculo di gasolin y pasa pa vehiculo electrico, cu ta causa hopi menos boroto y gas dañino? No. Nos a mira algun reglamentacion di ruta, acompaña pa limitacion di huur ATV/UTV individual, pa limita daño na naturaleza, pasobra ta conoci cu aki tin e aventureronan cu ta kere cu nan ta haci nos un favor 'inventando' ruta nobo den naturaleza? No, loke por mira ta cu e falta di supervision y sancion ta encurasha e tipo di comportamiento aki. Ultimamente nos a cuminsa mira tambe e impacto grandi cu turismo crucero tin riba cierto playanan, cu pronto lo perde nan certificacion como integrante di e lista di mihor beachnan na mundo. Y tur loke nos por mira ta politico cu ta tira culpa riba otro pa e falta di accion, cu ta exactamente nan falta di accion tempo cu nan tabata den gobierno. E problema ta cu solamente esun actualmente na poder por actua...

ACF y Turtugaruba cu tips pa campistanan banda di lama

En conexion cu **Semana Santa** y temporada di campamento, **Bon Dia Aruba** a acerca **Turtugaruba** pa algun tip riba con ta yuda protege naturalesa y specialmente e neishi di turtuganan. **Turtugaruba**, hunto cu **Aruba Conservation Foundation**, a crea un guia pa campistanan, cual **Bon Dia Aruba** por a obtene. Aki ta sigui algun tip riba con pa protege nos medio ambiente y percura cu bo famia ta campa di un manera responsable.

ACF cu tips pa protege nos medio ambiente

ACF ta enfatisa e importancia di reduci impacto riba naturalesa, treciendo algun punto di lanti cu ta importante pa campistanan ta consciente di dje. **Aruba Conservation Foundation** ta sugeri pa:

1. Usa un sunblock mas adecua pa lama

Mayoria hende no sa pensa mucho ora ta cumpra sunblock pa bay beach, y hopi biaha ta mira solamente e SPF. Sinembargo, tambe ta importante pa controla e ingredientenan den bo sunblock, como cu por tin kimiconan dañino pa bida marino.

ACF ta recomenda pa usa sunblock cu tin solamente dos ingrediente activo, esta zinc oxide y titanium oxide, cual ta "reef-safe" y menos dañino pa bida marino. ACF ta agrega cu si e sunblock ta keda blanco riba bo cuero, esaki ta un bon indicacion.

2. No trapa riba yerba di lama of coral, y no corta mangel

ACF ta enfatisa cu trapa riba yerba di lama, coral, colga cosnan pisa riba mata di mangel of hasta corta mata di mangel ta hopi dañino pa e sistema di raiz di e especienan aki. tambe ta



recorda cu yerba di lama, coral y mangelnan ta especienan protegi bao ley, pues actividad dañino ta castigable.

3. No duna bestia di costa cuminda

Kisas bo lo pensa ta leuk pa ofrece un pida pan of fruta na un meuchi, yuwana of otro bestia cu por encontra riba beach, pero ACF ta resalta cu esaki ta causa mas daño cu bon. Segun e fundacion ta splica, un comunidad marino ta saludable ora e ta conta riba competencia di habitat y cuminda. Tambe a agrega cu e bestianan aki ta biba den un sistema interconecta; un gutu ta come alga riba coral, cual ta limpia e coral y manten'e bibe. Si duna bestia cuminda di manera artificial, bo lo por bruha nan manera natural pa busca cuminda.

4. Reduci contaminacion den naturalesa

ACF ta urgi pa preveni contaminacion den naturalesa. Contaminacion ta bin den diferente forma; sushi, exceso di luz y exceso di zonido. Sushi ta presenta un menasa pa bida marino, como tambe hende. Ademas contaminacion di zonido y luz por stroba otro nan campando, como tambe bestianan cu ta depende riba luz pa nabega y comunica—manera drierkiel.

5. Preveni sushi laga atras por medio di planifica bon

Sea consciente di planifica unda ta deshaci di sushi, unda bo ta bay baño y laba tayo. Esaki ta pa mitiga cu desper-

dicio keda atras den naturalesa. Tambe ta sugeri pa controla ki tipo di instalacion mester pa percura cu e beach ta keda limpi y ta reduci impacto riba medio ambiente.

Turtugaruba ta haci yamado pa protege nos turtuganan

Manera a menciona den nos edicion di ayera, di maart pa september, drierkielnan lo subi canto di lama pa pone nan webo. Ta conoci cu e neishinan aki ta sumamente vulnerable, pues ta importante pa campistanan tene na cuenta cu mester mitiga daño y strobacion pa e turtuganan baby aki.

Turtugaruba ta informa cu tin cuatro especie di turtuga cu ta bishita Aruba. Tur cuater ta enfrentando menasa di extincion, pues ta rekeri atencion y cuido special. E drierkiel (Leatherback Turtle) ta kisas esun mas conoci y mas visible pa comunidad ya cu nan sa pone neishi riba costa di Eagle Beach, entre otro.

E conocido drierkiel cu ta migra pa Aruba tur temporada (Leatherback Sea Turtle) ta pone mas o menos 115 webo tur biaha cu e subi canto. Un

drierkiel por subi canto 6 pa 8 biaha cada temporada pa traha neishi. A calcula cu apenas 1 den 1000 baby lo sobrevivir te madurez, y p'esey ta particularmente importante pa minimisa strobacion den cercania di e neishinan.

Turtugaruba ta duna algun tips riba con pa anda rond di e turtuganan:

1. E fundacion ta haci apelacion pa limita uso di luz artificial, ya cu esaki ta afecta turtuganan pasobra nan ta keda desorienta. 2. No usa vehiculo riba santo blanco, y specialmente no den cercania di neishinan. Ta conoci cu uso di vehiculo riba beach ta prohibi y no ta solamente causa daño na e neishinan di turtuga, sino tambe ta afecta e calidad di santo y ta presenta un menasa pa adulto y muchanan chikito riba beach.

3. Manera ACF tambe a enfatisa, no laga sushi atras. Turtugaruba ta splica cu esaki por causa confusion pa e drierkiel. E drierkiel ta prefera come jellyfish, y por confundi un saco of cup di plastic pa esaki. Turtugaruba ta sugeri cu si ta posible, kita tur obheto for di beach

promete cu bay drumi anochi.

Kico por haci ora ta mira un turtuga yegando canto?

Turtugaruba tambe a duna varios tip riba kico pa haci ora ta mira un turtuga yegando canto of ta poniendo webo.

1. Ta urgi pa tuma contacto inmediatamente cu e fundacion. Por yama via e hotline na 592-9393.

2. Por fabor tene un distancia di por lo menos 10 meter for di e animal, y limita movicion den cercania di e animal pa asina no distrae of spant'e.

3. No punta luz riba dje, y ta miho pa paga tur luz den vecindario.

4. No asisti e turtuga di ningun manera, como cu esaki por stroba su proceso natural pa pone webo y drenta back lama. E fundacion ta enfatisa cu no mester preocupa pa e animal, splicando cu si no strob'e, e por haya su caminda back pa lama sin problema. A agrega cu e proceso por tuma aproximadamente dos ora, pues no interumpi.

5. Si bo ta nota cu tin hopi hende riba beach, y specialmente cerca di e turtuga, avisa nan pa tene distancia di dje y comparti algun di e tipnan aki cu nan pa asina engrandece conscientisacion mas hopi posible.

Bon Dia Aruba ta desea tur famia un temporada di **Semana Santa** agradable, y ta recorda na nos lectornan pa sea responsable y yuda protege nos naturalesa durante e temporada druk aki.

Potret di Turtugaruba.

Banco Central di Aruba a mantene e reserva obligatorio pa banconan comercial na 12,5% entrante 1 di februari 2026

Banco Central di Aruba (BCA) a dicidi durante e reunion di MPC di 15 di januari 2026 pa mantene e tasa di reserva obligatorio pa banconan comercial na 12,5% entrante 1 di februari 2026.

Puntonan principal

Reservanan adecua a pesar di crecemento den credito; Te cu 26 di december 2025, reservanan a surpasa substancialmente e normanan cu BCA ta mantene, a pesar di un aumento den credito. Ademas, BCA ta anticipa cu e reservanan di divisa lo keda suficientemente adecua.

Un inflacion abao

Na november 2025, e inflacion midi na final di luna contra e mesun luna di e aña anterior a permanece na un nivel relativamente abao di



-0,2%. Riba un promedio anual e inflacion a alcansa 0,1%.

Incertidumbre mundial economico

E incertidumbre mundial reinante, incluyendo un crecemento den tensionnan geopolitico, por impacta e reservanan di divisa y inflacion, cu por causa desviacionnan

for di e proyeccionnan actual cu ta fungi como e punto di salida ("baseline").

BCA ta monitor indicadornan monetario y economico di cerca y lo ahusta su posicion di maneho monetario ora ta necesario pa mantene e tasa fiho di e florin na e dollar Mericano.

De Cuba | Ormel | Noordhuizen
Attorneys at Law

Caya Ernesto O. Petronia 62
Oranjestad, ARUBA
T: (297) 583 8144
F: (297) 583 8145

BEKENDMAKING

Bij beschikking van 16 maart 2026 heeft het Gerecht in Eerste Aanleg van Aruba mr. J.M. de Cuba (op diens eigen verzoek) met ingang van 31 maart 2026 als curator van de naamloze vennootschap Mighty Mite N.V. h.o.d.n. Aqua Grill, gevestigd te J.E. Irausquin Boulevard 374, Aruba, ontslagen en mr. M. Franken met ingang van 31 maart 2026 benoemd tot curator van genoemde failliete vennootschap.

De curator,
mr. M. Franken
De Cuba Ormel Noordhuizen Attorneys at Law
Elleboogstraat 11-13
Oranjestad, Aruba
T: +297 583-8144
F: +297 583-8145
E: myrthe@dcconlaw.com

Cuba: Hospital di curason pa mucha ta enfrenta decisionnan dificil pa motibo di blokeo di Merca



(AFP)—Dokternan na hospital principal di curason pa mucha na Cuba ta enfrentando decisionnan hopi doloroso mientras un blokeo di combustibile di Merca ta pone mas presion riba un sistema di salud cu ya tabata fragil: cua mucha ta ricibi tratamento cu ta salba bida prome — y cua mester warda.

Durante un bishita di periodista di AFP, mamanan cu mascara medico tabata sinta banda di cama di nan yiunan cu tabata sinta of drumi den cambenan poco ilumina, unda luz di solo so tabata dreña via bentananan.

Cuido medico universal ta un di e logro mas importante di e revolucion Cubano, pero hospitalnan riba e isla a lucha pa años cu escasez y equipo bieu.

E situacion a empeora desde cu presidente di Merca Donald Trump a impone un blokeo di petroleo de facto na januari, cu Cubanonan sufriendo di blackouts diario cu ta dura varios ora.

Herminia Palenzuela, un doctor di 79 aña, a bisa cu Hospital Pediatrico William Soler awor mester tuma decisionnan “hopi dificil”.

Muchanan cu casonan menos serio ta “na full abao den lista y simplemente mester warda,” el a bisa.

‘Te awor, nos tabata fortuna’

E hospital ta trata baby recién naci, muchanan y muhernan na estado cu fetus cu a ser

diagnostica cu defecto congenito serio di curason.

Tin 100 cama, pero no ta tur ser usa pasobra dokternan ta bisa cu nan mester conserva equipo y suministro medico pa esnan cu ta mas grave.

“Recursonan semper ta reserva pa e tipo di pashent ey, pasobra nan ta esnan cu por muri na cualkier momento,” Palenzuela a bisa, cu un cara mustrando angustia.

“Nos kier haci mas operacion. Nos kier haci mas, pero recursonan no ta permiti nos,” Palenzuela a bisa, ken a funda hospital na 1986.

Yaima Sanchez tabata wardando den un gang scur pa su yiu di nueve aña ser atendi y ricibi e aparato portatil cu e mester pa monitorea su ritmo di curason.

“Mi ta bin aki cu fe cu dokternan lo atende mi cu loke nan tin disponible,” Sanchez a bisa, di ken su yiu tin taquicardia, batimento di curason abnormally rapido.

“Tin biaha no tin e aparato, of e no tin bateria,” el a bisa AFP. “Te awor nos tabata fortuna, pero bo nunca sa.”

‘Nivelnan dramatico’

Mirando e blackouts diario cu ta afectando Cubanonan riba henter e isla — incluyendo dos blackout nacional siman pasa — gobierno a duna prioridad na hospitalnan, cu ta equipa cu generatornan pa sigura cu nan no keda sin luz.

Palenzuela a bisa cu e por solamente bishita e hospital

tres biaha pa siman. Colegan nan ta cana varios kilometer pa trabao tur dia. Un sistema di transporte a ser estableci pa trahadornan di salud, pero no tur tin acceso na dje.

Na Havana, enfermero y dokternan cu jas blanco ta entre esnan cu ta pidi lift riba e famoso Malecon.

Segun ministerio di Salud, mas cu 96.000 Cubano — incluyendo 11.000 mucha — ta wardando pa operacion pa motibo di e crisis di energia.

Director di Hospital William Soler, Eugenio Selmam, a bisa cu embargo comercial di Merca desde 1962 semper a hacie dificil pa Cuba haya medicamentonan y equipo

medico.

“Esaki ta algo cu nos a biba cune pa decadas,” Selmam a bisa. “Pero awor, cu e situacion nobo aki, el a yega na nivelnan dramatico.”

Nacionnan Uni, cual ta den combersacion cu Washington pa permiti importacion di combustibile pa trabao humanitario na Cuba, a propone un plan di accion pa mantene servicionan esencial funcionando.

“Si e situacion actual continua y e reserva di combustibile di e pais caba, nos ta teme un deterioro rapido, cu posibilidad di perdida di bida,” coordinador di UN na Cuba, Francisco Pichon, a bisa. siman pasa e hospital a ricibi

un cargamento di medicamentonan, cuminda y productonan di higiena for di un convoy humanitario internacional cu a trece 50 tonelada di suministro pa Cuba via lama y aire.

“E situacion ta claramente complica,” Martina Steinwurz, un activista Italiano di 41 aña y miembro di Our America Convoy, a bisa.

Mientras boluntarionan y personal medico tabata organisa cahanan di donacion den un camber di hospital, Steinwurz a mira rond y a bisa: “Esakinan ta hende cu a resisti pa hopi aña, y awor nan ta bibando den un inval cu nan nunca a experencia den nan historia.”

MINI MEGA

MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

AFL 775.000,-

Con?  **Afl. 500.000,-**

+  **Afl. 275.000,-**

Extra!

www.lottoaruba.com

Pa mas informacion yama 525-7555 of bishita nos website lottoaruba.com

CMC ta nenga cu a blokea Inspectorado di Salud Hulandes

(CuraçaoChronicle) – Centro Medico Corsou (CMC) a rechasa acusacionnan cu Inspectorado di Salud y Cuido di Hoben di Hulanda (IGJ) ta prohibi di haci supervision na e hospital, bisando cu e agencia ta bon bini pa haci su inspeccionnan.

E respuesta a bin di director general di CMC, Johan de Graaf despues di pregunta di parlamentario di PAR, Shaheen Elhage tocante posible restriccion riba e inspectorado Hulandes. Elhage a expresa preocupa-



cion cu limitacion riba supervision di IGJ lo por tin consecuencia pa pashent di Caribe Hulandes, kende lo por keda referi na Aruba en bes di Corsou pa tratamiento

medico.

De Graaf a rechasa e sugerencia cu ta nengando acceso na IGJ, enfatisando cu CMC ta keda abierto pa scrutinio.

Na mes momento, el a nota cu cualkier inspeccion asina lo mester keda coordina cu e propio Inspectorado di Salud Publico di Corsou.

“Nos ta compronde cu IGJ kier evalua e calidad di cuido,” De Graaf a bisa, agregando cu coordinacion adecuada entre e autoridadnan relevante ta importante.

Management di e hospital a indica cu no ta bay tuma un posicion substantivo tocante e asunto mas amplio di cooperacion entre e inspectoradonan Hulandes y Curasole-

ño, lagando e asunto aki na e institucionnan responsable.

Te awo, inspectorado di salud di Corsou no a duna un respuesta. Minister di Salud, Tyrone Boekhoudt tampoco a comenta tocante e asunto.

Segun informacion anterior, un acuerdo di cooperacion entre e inspectoradonan di Corsou y Hulanda a keda firma dia 1 di october 2025. E discusion actual ta lanta pregunta tocante con ta implementando e acuerdo aki den practica.

No lo bira victima di bullying:

Gobierno di Sint Maarten ta move pa establece task force tocante futuro

(TheDailyHerald) – “No ta bay forsa nos pura. No ta bay laga nos na banda. No ta bay ‘bully’ nos.” Esaki tabata un mensahe cla di minister di Finanzas di Sint Maarten, Marinka Gumbs na Parlamento diamars.

El a haci e comentaronan despues di anuncia cu Gobierno di Sint Maarten ta bay establece un Task Force pa Futuro Monetario y Estabilidad Financiero pa evalua opcionnan di e pais memey di incertidumbre rond di e union monetario cu Corsou.

“Gobierno di Sint Maarten no ta wardando pa eventonan tuma nos over. Nos ta tumando accion decisivo,” Gumbs a bisa den su declaracionnan pa Comité Central di Parlamento. Consejo di Minister ta programa pa crea e task force cu un mandato amplio, incluy-



endo alinea cu stakeholdernan manera Fondo Monetario Internacional (IMF) y Banco Central di Corsou y Sint Maarten (CBCS), evaluando e union monetario actual, y evaluando e implicacionnan di un potencial disolucion. E cuerpo tambe ta bay examina opcionnan di moneda, desaroya escenarioman pa establece un banco central nacional, analisa impacto riba sector bancario y sistema di pago, y duna reco-

mendacionnan concreto na gobierno.

Segun Gumbs, e task force ta bay inclui participacion di expertonan local, partner regional y institucionnan internacional, y su trabao “ta bay ta profundo, independiente y alinea cu e miho practicanan global.”

“Permiti mi declara akinan categoricamente cu nos no ta reaccionando na evento, nos ta preparando pa nan. Nos no ta pasivo, nos ta proactivo. Nos no ta warda, nos ta move,” el a bisa.

Gumbs a delinea cinco principio guia dunando forma na e maneho di gobierno, poniendo estabilidad financiero central.

“Pa nos, estabilidad financiero ta crucial. Cualkier desmantelacion mester ta prepara adecuadamente y nunca mester pone na peliger e estabilidad financiero di nos nacion di ningun manera,” el a bisa.

E tambe a papia di transparencia y responsabilidad, declarando cu gobierno ta bay exige transparencia completo for di CBCS y su partnernan di union monetario.

Tocante e posicion di Sint

Maarten dentro di e union, Gumbs a insisti riba e importancia di igualdad. “Mi no ta bay pa ningun sorto di postura politico of haci declaracionnan di ‘bravado’, pero mi por sigura Miembronan di Parlamento cu nos no ta bay acepta ningun rols ubordina den e saga aki,” el a bisa.

Protege interes di e pais ta keda un prioridad central, el a agrega, resaltando e supervision continuo di institucionnan financiero y esfuersonan legislativo pa cumpli cu rekisitonan di Financial Action Task Force mientras ta habilita innovacion den sector financiero. Gobierno tambe tin plan pa implementa un programa di garantia di deposito pa salvaguardia ahorro di hasta XCG 50.000 y introduci un cuenta basico di pago. “Mi por sigura Parlamento di nos compromiso total cu e medidanan aki,” Gumbs a bisa.

Tocante e posibilidad di disolucion di e union, Gumbs a subraya e complejidad di un movida asina. “Si nos laga un banda e lenguahe legal, e logia ta simpel: Bo no por djis sali di un Banco Central conhunto. Y sigur no despues di 15 aña! Si e union termina, nos mester negocia lo siguiente: ken ta tuma cua riesgo, ken ta asumi cua riesgo y obligacion, con pa protege deposito, contract y confiansa di pueblo,” el a bisa.

El a nota cu e marco constitucional no ta mara Corsou y Sint Maarten na e union indefinidamente.

“Statuut y su leyman di implementacion no ta mara Corsou y Sint Maarten den

e union monetario aki pa semper. Pues nos sa di e experiencia di Banco Central di Antias Hulandes cu nos a drenta e union cu nos wowo bon habri ‘te ora algo separa nos.’ Y e ‘algo’ ey ya caba ta bati na porta,” Gumbs a bisa. “Nos ta bay habri porta sabiendo bon cu cualkier desmantelacion mester ta delibera, estructura legalmente y financieramente husto. Nos ta bay ta cla pa cualkier y tur resultado,” el a agrega.

Gumbs a reconoce e escala di e retonan dilanti, pero a expresa confiansa den resiliencia di e pais. “E retonan nos dilanti ta significante, pero nan no ta insuperable. Banda di desmantelacion di Antias Hulandes y Banco Central di Antias Hulandes, Sint Maarten a enfrente adversidad manera horcan, shock economico, crisis institucional, y cada biaha nos a sali mas fuerte,” el a bisa.

El a haci un yamado pa union y determinacion entre legisladornan. “E momento aki ta rekeri union, determinacion y claridad di proposito. E ta rekeri pa nos para firme den defensa di nos interesnan nacional. E ta rekeri nos pa prepara – no pa motibo di miedo, sino di responsabilidad,” Gumbs a bisa. “No ta bay forsa nos pura. No ta bay laga nos na banda. No ta bay ‘bully’ nos. Nos no ta bay compromete e interesnan di nos pueblo. Nos ta bay actua decisivamente. Nos ta bay protege nos estabilidad financiero. Nos ta bay sostene bon gobernacion. Y nos ta bay sigura cu futuro di Sint Maarten ta sigur, stabiel y prospero,” el a bisa.



De Cuba | Ormel | Noordhuizen
Attorneys at Law

Caya Ernesto O. Petronia 62
Oranjestad, ARUBA
T: (297) 583 8144
F: (297) 583 8145

BEKENDMAKING

Bij beschikking van 12 maart 2026 heeft het Gerecht in Eerste Aanleg van Aruba mr. J.M. de Cuba (op diens eigen verzoek) met ingang van 31 maart 2026 als curator van de naamloze vennootschap Yello Media Aruba N.V. h.o.d.n. Global Directories, gevestigd te Emanstraat 49-A, Nassastraat, Oranjestad Oost, Aruba, ontslagen en mr. M. Franken met ingang van 31 maart 2026 benoemd tot curator van genoemde failliete vennootschap.

De curator,
mr. M. Franken
De Cuba Ormel Noordhuizen Attorneys at Law
Elleboogstraat 11-13
Oranjestad, Aruba
T: +297 583-8144
F: +297 583-8145
E: myrthe@deconlaw.com

Sospechoso ta bisa cu un stem a bis'e pa tira y mata tres homber na Rotterdam

(NLTimes) - E huicio contra Sendric S., e homber sospecha di asesina tres homber arbitrariamente na Rotterdam na december 2024 y januari 2025, a cuminsa diaranson. Den un voz casi sin tono, e homber di 25 aña a conta corte con un stem den su cabes, un "stem masculino amistoso," a bis'e pa mata tres hende, y despues e lo haya placa, AD ta informa.

S. ta den huicio pa tres asesinato na Rotterdam-IJsselmonde y un hincamento casi fatal den centro di ciudad di Rotterdam. El a confesa di a mata un homber di 63 aña dia 21 di december 2024, un homber di 58 aña dia 28 di december, y un homber di 81 aña dia 2 di januari 2025. Polis a arest'e poco despues di e di tres tiramento fatal.

S. a bisa corte cu el a cuminsa tende un stem nobo den su cabes na comienso di december 2024. E no a keda alarma. E ta tende stemnan desde cu e ta bay scol basico, el a bisa. Esun nobo tabata un "stem masculino amistoso" cu na prome instante a dun'e instruccionnan inocente pa sigui, manera laba su mannan.

Na dado momento, e stem a bis'e pa e busca un arma, el a bisa. "Pa nos por a gana placa." S. a busca un arma di candela riba Snapchat y a haci un deal cu un bendedor di Amsterdam. Dia 20 di december, un dia prome cu e prome asesinato, S. a haya e arma for di e bendedor na altura di un KFC na Rotterdam.

E siguiente dia, el a bandona e apartamento di su tata, caminda e tabata kedando e tempo ey, alrededor di 9:00 p.m. "Mi a hiba mi yabi y un arma cu mi," el a bisa den corte. "E stemnan a bisa mi pa hacie pa placa, tira cualkier persona." Despues di algun



minuut, el a pasa un homber local di 63 aña riba Reyerdijk. "Esaki ta un bon persona," e stemnan a bisa. Despues mi a draai rond, dal algun paso, y a tira." E victima a fayece den hospital algun dia despues.

Mientras cu e victima tabata riba vloer muriendo, S. a cana bay cas back. "E stemnan a bisa: 'Esey tabata bon. Bo a hacie. Y awor e siguiente. Pero no e mesun dia.' Despues mi a djis bay drumi. Mi no tabata exactamente contento," S. a bisa den corte.

Un siman despues, dia 28 di december, e stem a bolbe, S. a bisa. E anochi ey, S. a bandona e apartamento y a cana den IJsselmonde pa algun rato. "Mi tabata scucha e stemnan. Mi tabata busca un persona pa tira", el a bisa. "Un homber lo ta miho. Esey ta un tiki menos inhusto. Y mas bieu tabata miho."

Despues di a cana rond pa mas o menos 30 minuut, el a crusa caminda cu un homber di Rotterdam di 58 aña na altura di Roelantpad. El a sigui e homber pa algun rato, despues a tir'e den lomba y cabes. El a los e ultimo tiro ora e homber tabata benta riba vloer. "Djis pa ta sigur. Pa nan muri instantanea-

mente en bes di sufri."

S. a keda den e area pa wak kico e servicionan di emer-

gencia lo a haci. Despues el a cana bay cas. "Mi a sigui cu mi rutina diario y a bay drumi."

Menos cu un siman despues, e stem a bisa cu tabata tempo atrobe. Dia 2 di januari mainta S. a cana pasa un homber di Rotterdam di 81 aña den Bommelerwaard. S. a bira wak, warda algun seconde, despues a saca su arma di candela y a tira e anciano den su cabes.

Polis a detene S. na su cas e marduga ey. Lunanan despues, polis a conect'e cu un hincamento casi fatal den centro di Rotterdam. Segun S., stemnan tambe a bis'e pa ataca na e ocasion ey.

Corte a programa dos dia pa e huicio. Expertonan di e Centro Pieter Baan lo duna testimonio riba e estado mental di S. Ministerio Publico (OM) lo recomenda un sentencia diabierna.

Paseo Herencia

PEEPS FESTIVAL

Sun, April 5 at 6:00 PM

PICK YOUR PEEP!

5 Peeps. 5 ways to Win.

SHOP & WIN	PAINTING CONTEST	WIN THE GOLDEN EGG	INSTAGRAM TRIVIA	EASTER FESTIVAL
Shop Apr 1 - 13 & enter to win prizes	Let creativity shine (Kids Activity)	Join Paseo Points, upload receipts	Play Along & win instantly	Live Entertainment, Games & Family Fun

Join the fun across Paseo Herencia

UP TO AWG 1000 IN PRIZES

NO CUMPRO

ADOPTA!

BONDIA
ARUBA

Gobierno di Kast a anuncia un subsidio di empleo pa negoshinan chikito

(Infobae) - Minister di Trabao, Tomas Rau, a señala cu e medida lo beneficia companianan cu tin trahadornan cu ingreso cercano na e salario minimo.

E Instituto Nacional di Estadística (INE) a entrega e dialuna aki su informe correspondiente na e periodo di december 2025 te cu februari 2026, cu a mostra cu e desempleo na nivel nacional, despues di e peaknan historico di e pandemia, no a baha di 8%, cu un poblacion di mas cu 800 mil persona buscando trabao.



Pa motibo di esaki, e Gobierno di Presidente Jose Antonio Kast a anuncia un subsidio pa empleo formal, cu lo ta dirigi pa financia e trahadornan cu salario ta rondando e salario

minimo.

Esaki a ser confirma e diamars aki door di e Minister di Trabao Tomas Rau, den un seminario organisa pa Clapes

UC, unda den su presentacion el a cuminsa recorda cu “nos tin un tasa di desempleo ariba di 8% pa 38 luna consecutivo” y mesora despues el a anuncia e beneficio, pensa pa “sostene” den nan puesto esnan cu por ta na riesgo di perde nan trabao, ademas di stimula e contratacion di trahadornan nobo.

E secretario di Estado tambe a asegura cu un di e prioridadnan ta pa reformula e Servicio Nacional di Capacitacion y Empleo (SENCE), cu e fin di modernisa e capacitacion laboral y simplifica e apoyonan economico di e Estado pa

empleo.

Segun Rau, e gobierno ta buscando “maneranan intelidente pa amorta e aumentonan den costonan laboral”, y un di nan ta precisamente e subsidio cu nan a anuncia, el a conclui.

Den mesun linea, e ex Minister di Finanzas, Felipe Larain, a celebra e medida, asegurando cu e prioridad ta reactiva e crecimiento economico, cu den e ultimo decada a keda stanca rond di 2%.

Obrero Central Boliviano ta exigí un aumento salarial di 20% y ta duna gobierno un plaso di dies dia

(Infobae) - Despues di un marcha masivo den e centro di La Paz, e organizacion laboral mas grandi di e pais a entrega un lista di demandanan sindical na e Casa di Gobierno. Nan ta spera pa ser convoca pa cuminsa un proceso di dialogo.

E Central Obrero Boliviano (COB) e diamars aki a tene un marcha masivo den e centro di La Paz cu e meta di entrega na e Gobierno su lista anual di demandanan, cu ta reuni e principal peticionnan di e movimiento sindical, entre nan, esun di aumento salarial.

E secretario checutivo di e COB, Mario Argollo, a splica cu e peticion pa aumento salarial a ser prepara basa riba dato oficial y ta inclui dos componente: e salario minimo nacional y e salario basico, diferenciando tur dos como aspecto clave den e negociacion.

“Nos ta pidi un aumento salarial di 20%, esaki ta un proposicion traha door di profesionalnan y cu informacion di e propio Gobierno”, el a declara. E movimiento sindical a establece un plazo di dies dia pa ricibi un respuesta oficial di e Gobierno.



Argollo a indica cu e documento a ser prepara tumando na cuenta e contexto actual di e pais y a pidi e autoridadnan pa convoca e dirigentenan pa cuminsa un proceso di dialogo riba nan demandanan. “Tabata un peticion prepara di forma responsabel, mirando e situacion cu nos pais ta pasando y e gobierno central tambe ta obliga, den un tempo razonable, pa atende y yama nos pa por traha e documento di peticion”, e lider a declara.

Den Bolivia, e ahuste salarial anual ta un practica institucionalisa cu ta ser defini riba base di negociacionnan entre e Gobierno y e COB. E proceso aki ta normalmente tuma luga den e simannan prome cu Dia di Trahadornan (1 di mey) y ta culmina cu e anuncio oficial di un aumento tanto den e salario minimo nacional como den e salario basico. E medida ta obligatorio pa e sector publico y priva.

E porcentahe di aumento ta ser defini principalmente riba base di variabel macroeconomico manera e inflacion registra den e administracion anterior y e crecimiento di e Producto Interno Bruto (PIB), aunke factornan politico y social tambe tin influencia.

Mientras cu e Gobierno normalmente ta argumenta e necesidad di preserva estabilidad economico y empleo, e sindicatonan ta pusha pa aumentonan cu compensa e perdida di poder adquisitivo. Den añanan reciente, e checutivo a scoge pa modera aumentonan, den un contexto marca pa e desaceleracion economico y restriccionsnan fiscal, loke a hiba na negociacionnan mas tenso entre tur dos parti.

Luna pasa di december, e Gobierno di Rodrigo Paz a haci un ahuste salarial extraordinario cu a establece e remuneracion minimo na 3.300 Boliviano, loke a representa un aumento di aproximadamente di 20% compara cu e nivel anterior y a drenta na vigor for di 2026.

E regla inicial tocante e medida aki a establece cu e salario lo keda “congelado” durante e aña aki, pero despues di su derogacion en medio di otro demandanan sindical, e condicion ey a ser anula, asina cu e posibilidad di un aumento nobo ta habri.

Sinembargo, durante e ceremonia pa entrega e lista di demandanan e diamars aki, varios lider a expresa nan preocupacion tocante e situacion economico di e pais, e aumento sostenibel den e prijsnan di e productonan familiar y problemanan den e suministro di combustibel, loke lo afecta e economia di e famianan.

Den e ultimo dos aña, Bolivia a experencia un rebote inflacionario marca cu ta contrasta cu e relativa estabilidad di prijsnan observa durante mas cu un decada. Den 2024, e pais a registra un aceleracion significativo, cu un variacion acumula cercano na 10%, impulsa pa e aumento di prijs di cuminda, problemanan di suministro y presionnan externo. E tendencia aki a intensifica den 2025, ora cu e inflacion anual a yega na 20,4%, e nivel mas halto te awo den e siglo 21 y hopi ariba di loke e Gobierno tabata spera.

Aunke den 2026 ta ser observa un desaceleracion chikito, e inflacion ta sigui na nivel halto compara cu patronnan historico reciente, consolidando su mes como un di e retonan principal di e pais.



Puerto Rico: Departamento di Famia lo tene charlanan na scolnan publico y priva den luna di april

(ElNuevoDia) - Despues di e incidentenan violento recién contra menornan di edad—incluso e asesinato di un mucha muhe di 14 aña na Loíza—e secretario di e Departamento di Famia, Suzanne Roig Fuertes, a anuncia diamars ultimo cu nan lo tene 18 charla na scolnan publico y priva den luna di april pa scucha studiantenan y conscientisa nan tocante prevencion y abuso di mucha y hoben.

Tambe el a informa cu e instancia a tuma contacto caba cu famia di Rosniellys Marciano Carrasquillo, e dama hoben cu a ser tira fatalmente diadomingo anochi ora e tabata biaha den un vehiculo cu su tio y prima, tambe di 14



aña di edad cu a ricibi heridanen y ta keda interna na Centro Medico. E instancia ta vigilando di cerca e salud di e otro menor aki.

“E teamnan di Departamen-

to di Famia tabata tey. Nos a transmiti nos mas profundo condolencia pa morto di un di e damanan hoben, y nos ta vigila di cerca e salud di e otro. Tin biaha, e consecuen-

tonan ta impacta esnan cu ta inocente,” asina Roig Fuertes a bisa durante e sesion bi-semanal di “On Record” na La Fortaleza.

Di acuerdo cu e investigacion policial den e caso di Loíza, e chauffeur di e vehiculo cu a ser tira riba dje—e tio di e mucha muhe defunto y tata di esun cu a keda hospitalisa—tin un registro pa homicidio imboluntario na 2021 y actualmente ta den libertad condicional.

“Durante Semana Santa, tambe ta un bon momento pa refleha riba con nos accionnan ta impacta esnan cu nos ta stima mas,” Roig Fuertes a agrega, kende a urgi mayornan pa pasa tempo di calidad cu nan yiunan.

E secretario a indica tambe cu e discusionnan lo ser teni bao di e titulo “Hablemos: la voz de la niñez importa” (Ban Papia: E Voz di Muchanan ta Importante).

“Nos a dicidi di duna nos yiunan un bos. Nos yiunan tin un bos y e mester ser scucha. E dichonan bieu ey, manera ‘mucha ta papia...’ y boso sa e resto, mester ta un cos di pasado. E realidad ta cu muchanan mester ser scucha,” el a enfatisa.

El a subraya cu e charlanan lo tuma luga na scolnan publico y priva, “cu e meta pa scuchanan, balora nan bos, y tambe construi nan habilidadnan di liderazgo.”

Trinidad y Tobago: Gobierno y sindicato NUGFW ta yega na un acuerdo pa aumento di salario di 10%

(TrinidadExpress) - Gobierno a yega na un acuerdo cu e Sindicato Nacional di Trahadornan di Gobierno y Federacion (NUGFW) pa un aumento di salario di 10% pa trahadornan cu ta ser paga pa dia, despues di lunanan di negociacion. E ta nifica cu 20.000 trahador (obrero y otro trahadornan cualifica) ta anticipa pa ricibi salario nobo pa juni of juli.

Hefe di Personal (CPO) Dr. Daryl Dindial a bisa cu e acuerdo ta cubri dos periodo di negociacion pendiente, 2014–2016 y 2017–2019. El a describi esaki como “un logro significativo” den mehoracion di e bienestar di trahadornan cu ta ser paga pa dia.

Dindial y presidente di NUGFW Christopher Streete a topa na oficina di CPO na Port of Spain pa conclui discusionnan y firma termino y condicionnan di empleo revisa.

Dindial a bisa cu e aumento no tabata presupuesta den e presupuesto nacional actual y a señala cu minister di Finanzas Davendranath Tancoo lo busca pa identifica financiamiento den e revision di mitar di aña.

Dindial a bisa cu e aumento ta consisti di 1% anualmente pa 2014 pa 2018 y 5% pa 2019, manteniendo e oferta di 10%.



El a señala cu esaki ta refleha un aumento total di 17% di 2013 pa 2019.

“Den transcurso di añanan 2014–2018 e ta un aumento di 1%, y 2019 ta un 5% pues e ta e mesun 10%; sinembargo, for di e tarifa di 2013 pa e tarifa di 2019 nos ta mirando un aumento di 17%. E siguiente paso ta pa hiba un nota na gabinete pa ratifica e acuerdo. Unabes esey sucede e proceso lo move pa minister di Labor pa un no-obhecion, despues di cual e contrato colectivo lo ser registra na e Corte Industrial. CPO lo emiti instrucionnan di implementacion pa e salarionan nobo,” Dindial a bisa.

El a agrega cu gobierno ta tumando un acercamento hopi responsabel pa reparti e pago di placa atrasa riba multiple aña financiero. “E prome tranche lo ser paga den e aña aki; e por sucede na e revision di mitar di aña, pero e por sucede na december. E idea ta pa e ser paga durante e aña aki, y despues e siguiente tranche lo ser paga na e conferencia nobo,” Dindial a bisa e periodistanan nobo.

El a elogia presidente di NUGFW Christopher Streete pa negocia exitosamente pa pensionadonan haya 100% placa cash atrasa pa añanan 2014–2018.

“E tabata compronde hopi

bon e circunstancianan cu e Estado ta confrontando y a acepta e miho y oferta final di gobierno. No tin un contrato colectivo pendiente pa sindicatonan di servicio publico pa e periodo 2014–2016 y 2017–2019,” el a declara.

Dindial a subraya adicionalmente otro provisionnan clave cu a ser acorda, incluyendo e consolidacion di e Costo di Bida (COLA), y tambe e primanan di compensacion revisa cu ta cubri areanan manera calor excesivo, friu, trabao di warda y operacionnan di haltura, entre otro. Subsidio adicional ta inclui subsistencia, cuminda, biahe, hermentnan y transferencia, entre otro.

Den su declaracion, el a afirma cu e pensionadonan no a keda afo di e acuerdo, señalando cu e debenan atrasa den placa cash tambe lo ser paga na nan pa e periodo 2014–2018.

Dindial tambe a haci un apelacion na docentenan pa tene pasenshi.

“Mi no ta na altura di ningun compromiso haci pa paga e docentenan backpay e luna aki; e discusionnan cu mi tabatin cu e minister tabata hopi consistente. Tabata tocante introduci e salarionan nobo e luna aki y mi ta ser avisa cu esey a sucede, pues e asunto cu debenan atrasa ta un proceso separa. Y ta importante pa tuma nota cu e servicio di enseñansa tin mas o menos 13.000 hende. Tin un proceso pa audita tur e archivonan ey. Un minister ta haci tur e trabao ey. Mi ta consciente cu e ehercicio ey a cuminsa. E no lo sucede di un dia pa otro. Mi lo bisa e maestronan pa tene pasenshi; nan ta consciente cu e ta un ehercicio cu mester ser involucra. Na final di e ehercicio tur e asuntonan tocante aumentonnan pendiente ta ser atendi un biaha, y despues nan por paga e debenan atrasa, pues e debenan atrasa pa maestronan ta un asunto compleho. Mi ta haci un apelacion na nan pa mas pasenshi.”

SETAR ta expande su Self-Service Kiosk, awo cu e opcion pa paga bo recibo di WEB



Na SETAR, continuamente nos ta busca maneranan pa haci e bida mas facil, lihe y mas conveniente pa nos clientenan. Nos ta contento di por tumar un otro stap importante den e journey aki

door di expande e servicio di nos Self-Service Kiosk.

Entrante 1 di april 2026, SETAR conhuntamente cu WEB a introduci e opcion pa paga bo recibo di WEB via nos Self-Service Kiosk, banda

di e opcion existente pa paga bo recibo di SETAR y recarga bo celular prepago. E feature nobo aki ta brinda clientenan e opcion di paga nan recibo di SETAR y WEB na un solo luga, reenforando nos compromiso cu innovacion digi-



tal y customer service.

E iniciativa aki ta forma parti di SETAR su campaña “Skip the Line, BAN ONLINE”, cu ta encurasha clientenan pa haci uzo di opcionnan di pago mas lihe y eficiente sin

tin nodo di para den rij.

Nos ta invita tur persona pa haci uzo di nos Self-Service Kiosk, disponibel na tur Tele-shop, Conexion Center y e Kiosk na Airport.



Suspension di pilotonan di ehercito Mericano anula despues di vuelo cerca di Kid Rock su cas

(AFP)—Pilotonan di helicopter di ehercito di Merca cu a bula cerca cas di musico Kid Rock na Tennessee a haya nan suspension kita, secretario di Defensa Pete Hegseth a bisa diamars.

“Danki Kid Rock. E suspension di pilotonan di ehercito di Merca ta ANULA. Ningun castigo. Ningun investigacion. Sigui numa, patriotanan,” Hegseth a skirbi riba X.

E pilotonan a ser suspendi mas tempran diamars despues cu e musico — un simpatisante fuerte di presidente Donald Trump — a publica un video riba X durante fin di siman mustrand un helicopter di atake Apache bulando cerca di e piscina di su cas riba sero mientras e tabata bati man y saluda.

“Dios bendiciona Merca y tur esnan cu a haci e sacrificio final pa defend’e,” el a skirbi hunto cu e video, mientras un segundo clip a muestra cu tabatin dos di e aparato den e area.

Diamars atardi, Trump a bisa cu e no a mira e video, pero cu e tabata “sigur nan a pasa un bon rato.”

El a bisa cu nan “probablemente no mester a haci esey,” pero “nan ta gusta Kid Rock, mi ta gusta Kid Rock. Talbes nan tabata purbando di defend’e.”

Vocero di ehercito, Mayor Montrell Russell, a bisa mas tempran cu e ehercito “a confirma cu dia 28 di maart, dos helicopter Apache di 101st Combat Aviation Brigade na Fort Campbell a haci un vuelo den area di Nashville cu a hala atencion di publico y media.”

“E personal involucra a ser suspendi di debenan di vuelo mientras e ehercito ta revisa e circunstancianan rond di e mision,” incluyendo cumplimento cu regulacionnan di Federal Aviation Administration como tambe “protocolnan di seguridad di aviacion y rekisito di aprobacion,” Russell a bisa den un declaracion.

Kid Rock a presenta na e Convencion Nacional Republicano di 2024 como tambe den e “All-American Half-time Show,” cu a ser presenta como un alternativa pa e half-time show di Super Bowl cu artista principal Portorriqueño Bad Bunny.

Ex miembro di Fleetwood Mac Lindsey Buckingham ataca pa un muher na Santa Monica

(NBCNews)—Guitarista y cantante Lindsey Buckingham, un ex-miembro di e banda di rock famoso Fleetwood Mac, a ser ataca pa un muher ora el a yega na un cita na Santa Monica, varios fuente di autoridad a bisa NBC4 Investigates.

Ora Buckingham a drenta e edificio, e muher — describi pa autoridadnan como un sospechoso di acoso — a tira un substancia desconoci riba e ganador di dos premio Grammy y despues a huy. Polis a identifica e sospechoso, pero no a reporta ningun aresto diamars mainta tempran.

E muher ta conoci pa Buckingham, di 76 aña, for di incidentenan anterior, segun fuentenan di autoridad. Nan a agrega cu un aresto ta anticipa pronto.

Autoridadnan a bisa cu nan ta kere cu e muher a haya sa unda y ki ora Buckingham tabatin su cita y a presenta na e lugar. Buckingham no a resulta herida.

Polis di Santa Monica y LAPD ta trahando riba e caso.

NBC4 Investigates a tuma contacto cu representante di Buckingham pa comentario.

Naci na Palo Alto, Buckingham a uni cu Fleetwood Mac na 1975 y a logra exito cu cancionnan manera “Go Your Own Way,” “Tusk,” y “Big Love.” El a gana dos



Grammy cu e banda, incluyendo Album di Aña pa Rumours.

El a lansa un album solo na 1981 y a colabora cu compañera di banda Christine McVie pa un album duet na 2017.

Buckingham, kende tabatin un relacion personal y profesional complica cu compañera di banda Stevie Nicks, a ser saca for di e banda na 2018.

Potret di AFP.

Megan Thee Stallion ta kita 2 show di Broadway despues di bira malo durante ‘Moulin Rouge’



(AP)—Megan Thee Stallion a ser hiba hospital despues cu el a “sinti su mes hopi malo” mientras e tabata riba escenario na Broadway den “Moulin Rouge! The Musical.” Despues, el a subi red social pa splica cu “ultimamente mi a pusha mi mes mas leu di mi limitenan.”

Un substituto a tuma su lugar diamars y e show a continua. Segun su vocero, dokternan a identifica cansancio extremo, deshidratacion, vasoconstriccion y nivel metabolico abao como causa di su sintomanan. El a sali hospital caba y awor ta descansando.

E rapper ganador di Grammy a skirbi riba Instagram cu e no lo participa den presentacion di matinee y anochi di diaranson pa por descansa y recupera. “Lo mi ta back riba e escenario diahuebs, mas fuerte y cla pa duna boso 100% manera boso merece,” el a skirbi.

“Ayer anochi tabata un alerta

serio pa mi. Ultimamente mi a pusha mi mes mas leu di mi limitenan, coriendo sin energia, y finalmente mi culpa a bisa ta basta. Esaki a echt spanta mi. Mi a pensa mi lo cay flauw riba escenario, mi realmente a purba sigui cu mi presentacion pero mi no a logra,” el a skirbi.

Megan Thee Stallion a haci su debut na Broadway siman pasa como empresario di nightclub Harold Zidler den e show na Al Hirschfeld Theatre, y tabata spera di termina su participacion dia 17 di mei. Otronan cu a tuma e rol di Zidler ta inclui Boy George, Wayne Brady, Tituss Burgess y Bob the Drag Queen.

“Moulin Rouge! The Musical” ta programa pa cera dia 26 di juli despues di siete aña. E show ta trata di actividadnan den un club nocturno na Paris di comienzo di siglo 20, actualisa cu cancionnan manera “Single Ladies” y “Firework” hunto cu e gran exito “Lady Marmalade.”

Fridays from 5pm to 7pm

HAPPY HOUR

50% OFF ON DRINKS & TAPAS

The Birdie CLUB HOUSE RESTAURANT

TIERRA DEL SOL RESTAURANT

586-7800 ext. 231 or 242 | tdsba1@iberostar.com
opentable.com/thebirdie
tierradelsol.com

A culmina un tremendo weekend pa e Weganan Interinsular 2026!

Den un atmosfera y ambiente unico, e Weganan Interinsular a tuma lugar pa nos alumnonan di scolnan basico y secundario di e islanan di Aruba, Boneiro y Corsou.

Durante e Weganan Interinsular, e alumnonan di scol di e islanan di Aruba, Boneiro y Corsou a bataya deportivamente contra di otro den e deportenan di Aquathlon, Atletismo y Volleyball.

E Weganan Interinsular a culmina cu un bunita anochi na Artisa y a percursa pa tur tres delegacion pasa un rato ameno y conoce nos muralnan cual cada uno tin su significacion historico.



Stichting Fundacion Lotto pa Deporte ta contento di por a contribui pa haci e Weganan Interinsular unico y asina

tambe promove deporte entre nos muchanan.

Tabata simplemente un tremendo fin di siman den deporte escolar na Aruba unda

nos alumnonan di Aruba, Boneiro y Corsou a bataya deportivamente pero mas cu tur cos a crea amistad cu otro y asina fortifica e union mas

ainda entre e tres islanan. Pabien na tur cu e haci esaki un realidad pa nos alumnonan di scol di Aruba, Boneiro y Corsou.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Lady Pumanan di Britannia un bes mas den e gran final di Damas Open

Diadomingo ultimo, ekipo di Britannia Damas ta keda haci historia door di clasifica un bes mas pa e gran final di Damas Open klass. Si nos no tin hera, cu e temporada 2013 - 2014 tabata e ultimo final den futbol femenino cu Britannia no tabata aden, pero despues di esey tur final, e ekipo di Britannia Damas a participa na dje.

Den e wega di diadomingo, Britannia a enfrenta e finalisatanan di aña pasa esta Bubali, cu den su di dos aña (despues di un ausencia di 10 aña) atrobe a muestra un candidato fuerte pa e gran final. Bubali a inicia e wega bon ya cu na di 17 minuut, Rachelle Mora ta anota e 1 - 0 pa Bubali, pero e alegria ta-



bata ta cortico ya cu 3 minuut despues Sofia Gios ta empata e 1 - 1 pa Britannia. Despues di e empate, Britannia a cuminsa comanda e wega y net prome cu half, e delantero Zyana Rogers ta anota e 2 - 1, unda e ta kita dos defensa y e

keeper for di su curpa pa anota un gol magistral. Den e di dos tempo, e keeper di Bubali, Thiel ta haya carchi cora pa un handsbal cometi pafor di su doelgebied y aki ta debilita e ekipo por completo. Britannia ta probecha di e situacion unda Zyana Rogers ta anota 2 gol mas y Ashley Douglas ta anota 1 gol pa asina Britannia gana cu e anotacion di 5 - 1. Den e otro wega di e anochi, Estrella ta elimina RCA for di e playoff final ganado cu ekipo tricolornan di Solito cu e score di 2 - 0. E delantero naranha, Yorgelis Morales tabata grandi e anochi aki unda e ta anota ambos gol pa asina Estrella keda na bida den e



playoff aki. E playoff final riba su ultimo fecha lo bira super interesante ora cu Britannia lo enfrenta Estrella y Bubali enfrenta RCA. Britannia ta cla cu 6 punto, Estrella tin 4 punto mientras Bubali tin 1 punto y RCA ta elimina y tin 0 punto. Pa Bubali logra e final lo mester gana RCA cu score halto y Britannia tambe

mester gana Estrella cu score halto. Na un empate of derota di Bubali, Estrella ta pasa pa final. Tambe si Bubali gana RCA cu score abou y Britannia gana Estrella cu score abou. Mas cu claro di Estrella gana automaticamente e lo pasa pa e final. E weganan lo tuma lugar 19 di april na Compleho Deportivo Franklyn Bareno na Piedra Plat.



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Atleta Jeon Fernandes lo participa den triatlon na Weganan Suramericano di Hubentud

Cu menos di dos siman prome cu inicio di e Weganan Suramericano di Hubentud "Panama2026", ta cuminsa introduci cada deporte cu lo bay pa representa TEAMARU na e Weganan. Cu 6 diferente deporte cu lo mira accion, por ta sigur cu Aruba lo ta bon representa na e Weganan Panama2026.

Nos ta inicia cu introduci un atleta hoben di apenas 15 aña cu lo participa den e deporte di triatlon y lo haci e distancia "sprint". Aki ta papia di Jeon

Fernandes, cu sigur ta un cara conoci den e mundo di deporte na Aruba. Hunto cu entrenador Glennon Eights, a prepara pa participa den e distancia sprint, cu ta conta cu 750m swim, 20km bike and 5km run, cu ta e mita di e distancia Olimpico.

Cu esaki Jeon ta duna inicio na su prome Weganan di e ciclo Olimpico y Comité Olimpico Arubano (COA) ta desea Jeon y entrenador cu lo compaña'e, y alabes tata Albee Fernandes hopi exito na Panama2026.



Interes pa desaroya deporte di arkeria na Aruba

COA a reuni cu Presidente di federacion di "arkeria" di Corsou

Comité Olimpico Arubano (COA) semper ta contento di tende di deportenan nobo cu ta desea di cuminsa y desaroya na Aruba. Den e caso aki, a haya noticia cu tin un grupo interesa den e deporte di "Archery", pues arkeria cu ta un deporte Olimpico. A reuni cu Morwenna Minguel-Meijer, presidente y alabes entrenadora di e federacion di Arkeria na Corsou, cu a ser acompaña door di Suzette Dum-



fries cu ta un local cu tin afinidad cu e deporte y ta desea di establece un federacion na Aruba.

Durante e reunion a splica e proceso di cuminsa cu un federacion na Aruba y kico ta e rekisitonan di por afilia na COA unabes e federacion ta estableci.


Banda di esaki, a ricibi informacion di con e deporte ta desaroyando na Corsou y con lo por coopera cu otro pa

asina si e atletanan yega na e nivel necesario, por participa na eventonan manera e Weganan Panamericano y Weganan Olimpico a traves di COA.

Finalmente a gradici nan pa e bishita y nan interes den e deporte di arkeria cu sigur ta interesante y un posibel adiccion na TEAMARU den futuro. COA ta sigur di asisti cu e proceso unda por pa asina yuda logra un federacion di arkeria na Aruba.

Torneo habri di Dam 10x10 na caya grandi service station!

Caya Grandi Service Station, bao di auspicio di Dam Club Arowak, ta invita tur amante di dam na un torneo habri special cu lo tuma lugar riba diadomingo, 5 april 2026. E evento aki ta habri pa tur hende adulto, sea bo ta un hungado avansa of simplemente kier disfruta un bon partido recreativo. Bin forma parti di un ambiente amigabel, competitivo y yen di energia!



E torneo lo conta cu dos categoria: Categoria A (Avansa) y Categoria B (Recreativo). Dependiendo di e cantidad

di hungadonan, lo ser hunga den formato Round Robin of Sistema Suiso. Cada partida tin un tempo di 15 minuut

cu 10 seconde incremento, cu un maximo di 5 rond pa mantene e dia dinamico y entreteni.

Programa ta cuminsa 09:30 di mainta cu preparacion, y e prome rond ta start 10:00 en punto. Despues di 3 rond

lo tin un pausa pa un lunch break.

Lo tin entrega di premio pa e Top 3 den cada categoria, incluyendo premio cash, trofeo y basket. Meta ta pa finalisa tur cos pa 4:00 PM.

Participacion ta GRATIS! Pa registra, manda un mensahe na Mario Jansen via WhatsApp (699-8245). No perde e oportunidad aki pa hunga, gana y pasa un bon rato agradabel. Nos ta mira bo na Caya Grandi Service Station Diadomingo mainta!


Potret ilustrativo.

Hackernan di Corea di Norte sospecha di un atake riba un herment di software hopi usa

(AFP) - Hackernan vincula cu Corea di Norte ta ser sospecha di un atake ambicioso riba un paket di software poco conoci pero hopi usa, segun analistanan di Google y otro experto den seguridad cibernetico cu a bisa esaki diaranson.

E ciberatake riba un herment tecnico yama Axios, cu tin decenas di miyon di download semanal pa desaroyadornan, por tin implicacionnan di gran alcance.

Un publicacion den e blog di Google Threat Intelligence a bisa cu e impacto di e atake “pa actornan cu conexio cu Corea di Norte” ta “amplio y tin efecto cadena”, pasobra



otro paketnan popular tambe ta depende riba Axios.

“Centenares di miles di secreto horta por potencialmente ta circulando como resultado di e atakenan reciente aki”.

Esaki por permiti mas ciberatakenan, incluyendo ransomware, extorsion y hortamento di criptomoneda, segun e informe. Un panel di Nacionnan Uni a estima den 2024 cu Corea di Norte a roba mas cu \$3 biyon den

criptomoneda desde 2017.

E placa horta ta yuda financia e programa di armanan nuclear di e pais, segun e panel.

Un analisis separa di e hack, alegadamente checuta diamars, tambe a ser publica diaranson pa varios compania di seguridad cibernetico. Den un ehempel, Elastic Security Labs tambe a bisa cu e ta sospecha un “grupo di menasa vincula cu DPRK”, usando e inicialnan di e nomber oficial di Corea di Norte.

E atacante a logra controla un cuenta cu ta mancha e proyecto Axios y a publica dos version “cu backdoor” di e paket di software, segun nan. Programadornan

di computer ta usa Axios pa manda peticionnan na servidornan, permitiendo software conecta cu e web, segun Bloomberg.

Otro companianan incluyendo StepSecurity a adverti desaroyadornan cu a instala e dos versionnan pa asumi cu nan sistema a ser compromete.

E programa di guerra cibernetico di Corea di Norte ta fecha por lo menos for di mita di e añanan 1990.

El a crece te na un unidad di guerra cibernetico di 6.000 miembro conoci como Bureau 121, cu ta opera for di varios pais, segun un informe militar di Merca di 2020.

Robotaxinan Chines ta para den aparente ‘malfuncion’

(AFP) - Un serie di robotaxi autonomo di e gigante di internet Chines Baidu a para den e centro di China, laga pasaheronan tranca despues di un aparente “fayo di sistema”, polis a bisa diaranson.

Autoridadnan local na Wuhan, provincia di Hubei, a cuminsa ricibi yamadanan “un tras di otro” diamars anochi tocante “varios auto Apollo Go para memey di caminda, incapaz di move”, polis a bisa den un declaracion.

Apollo Go ta e servicio di taxi



sin chauffeur di Baidu, cu a cuminsa cobra pa viahenan na Beijing den 2021 y ta opera den areanan designa den

varios ciudad.

Usuarionan di red social a comparti videonan di nan mes purbando contacta servicio al cliente for di aden di nan robotaxi cu a para, mientras otro vehiculonan tabata pasa banda di nan. E logo berde cla di Apollo Go por ser mira riba e stuurwiel.

E usuario di red social a bisa cu nan a keda “tranca” memey di caminda pa mas cu 30 minuut.

Baidu no a responde inmediatamente na e peticion di comentario di AFP.

E compania a anuncia acuerdo pa pone su autonan riba appnan popular di transporte comparti manera Lyft y Uber, y e ta busca amplia su presencia pafu di China.

Den e di cuater trimestre di 2025, Apollo Go a entrega 3,4 miyon biahe sin chauffeur, cu e total di biahenan a subi cu mas cu 200 porciento compara cu e mesun periodo un año prome, segun documentonan di e compania.

E compania tin un flota di mas cu 500 auto sin chauffeur na Wuhan.

UE y Merca lo aborda friccioannan digital via dialogo

(AFP) - E Union Europeo (UE) a bisa diaranson cu e ta cla pa dialogo cu Merca pa aborda tensionnan tocante su reglanan digital, cu e administracion mericano ta acusa di apunta contra gigantenan Mericano.

E reglanan di e Union Europeo riba contenido digital y competencia ta un di e temanan mas dificil den e relacion entre e aliadonan transatlantico.

E UE a impone multa cu balor di biyones di euro riba companianan tecnologico, hopi di cual ta mericano, pa violacion di leyman europeo — loke a provoca iritacion na Washington. Sinembargo, boluntad na tur dos banda pa trata nan diferencia, pero e UE ta insisti

cu e no lo haci concesionnan riba su reglanan.

El a bisa cu tur dos banda kier “aclarar malentendidonan” y coopera pa enfrenta reto globalnan hunto.

E subsecretario di Estado pa Asuntonan Economico di Merca, Jacob Helberg, a bisa mas promecu diaranson cu Washington kier “resolver e problemanan actual” cu e ley europeo tocante competencia online, e Digital Markets Act (DMA).

“E fuente mas grandi di friccion den e relacion economico entre Merca y UE ta e multanan repetitivo y punitivo riba companianan mericano”, el a bisa reporternan den un briefing online. E administracion di Trump tambe a critica e reglanan



digital y di inteligencia artificial di e UE.

Den un intento pa logra con-

cesionnan for di Bruselas, Washington a pone riba mesa e perspectiva di beneficio economico grandi pa Europa,

manera inversionnan masivo den AI y reduccion di tarifa riba productonan europeo.

Accidente hit & run na Jaburibari

Dialuna atardi a drenta informe di un accidente poco comun na Jaburibari, mesora a dirigi un patruya na e sitio.

Na yegada di e patruya a bin compronde cu un auto tabata bayendo zuid normal riba e caminda y diripiente di patras ta bini un pickup cu a purba y a pasa e auto aki na man drechi, subi transhi, raspa e otro auto te ranca su spiel y sigui core bay.


Den su trayectoria, su num-



ber di auto a cay y a keda atras. Polis a tuma su number y ta trahando pa bay gar'e y pone para responsabel pa tur e gastonan.



Chauffeur no a duna preferencia y a dal auto



Dialuna atardi a drenta informe di un accidente cu hende herida na e cruzada banda di Pricemart, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente pa falta di preferencia unda un auto-

bus biniendo di nort den Avenida Milio Croes no a para pa duna preferencia pa e auto bayendo abao na Sabana Berde y a bay dal e mand'e halto bay cay parcialmente


riba e otro banda di caminda. Debi na e fuerte impacto 2 persona a resulta herida tanto den e autobus como den e Kia Rio.

Na yegada di e ambulance nan a atende ambos herido y a bay unicamente cu e dama den e Kia Rio pa hospital mientras e otro a ser atendi na e sitio mes.

Detencion na Paseo Herencia Mall na Palm Beach

Dialuna anochi a drenta informe di cu un turista lo ta causando problema na Paseo Herencia Mall na Palm Beach, mesora a dirigi un patruya na e sitio.

Na yegada di e patruya a atende e persona aki kende aparentemente lo ta un turista.



Homber trahando riba glas a corta su mes na su mannan y pia na Jaburibari




Dialuna atardi a drenta informe di cu un homber trahando cu glas na Jaburibari a corta su mannan cu glas, mesora a dirigi ambulance na e sitio.

Na yegada di e ambulans nan a nota cu e homber a corta ambos man y un banda di pia, mesora nan a verband e y a hib'e pa hospital.

Israel su ehercito a confirma cu Iran a haci e lansamento di misil mas grandi desde cu e guerra a cuminsa

(Infobae) - Diaranson atardi a bira escenario di varios disparonan dirigi na teritorio Israeli, mientras cu preparacionnan pa Pasco Hudiu (Pesach) tabata tumando luga, loke a conduci na un aumento di alerta y medidanan di emergencia den varios ciudadnan.

E Ehercito di Israel a confirma cu durante e atardi di e diaranson aki el a detecta e lansamento di algun 10 misil for di Iran rumbo na su teritorio, e cantidad mas grandi di proyectilnan lansa desde



cu e guerra a cuminsa. E atake a coincide cu preparacionnan pa e celebracion di Pesach, generando alarma den dife-

rente ciudadnan, incluyendo Tel Aviv y Netanya.

E vocero militar Effie Defrin

a duna un advertencia adelantata tocante e posibilidad cu Iran y Hezbollah lo aumenta nan atakenan aprovechando e contexto festivo. Minuutnan despues, e sirena anti-aereo a zona den centro di e pais, obligando e poblacion pa busca refugio pa mas cu mey ora. Segun testigonan cu a papia cu The Times of Israel, seis alerta a ser activa den Tel Aviv durante un periodo di un ora.

Como respuesta, e ehercito Israeli a informa tocante atakenan contra decenas di "obhetivonan terorista" den centro di Teheran. E contexto


di e enfrentamentonan aki ta sucede na bispo di cuminsamento di Pesach, un fiesta di un siman cu ta conmemora e salida di e Israelinan for di Egipto. E atake di diaranson ta representa e ofensiva di misil balistico mas grandi contra Israel desde e principio di e conflicto, segun The Times of Israel.

Medionan Irani a recorda cu riba 20 di maart durante e celebracion di Nowruz, of Aña Nobo Persa, bombardeonan atribui na Merca y Israel a tuma luga.

Motociclista herida den un accidente na Tanki Leendert

Diamars atardi a drenta informe di un accidente cu hende herida na Tanki Leendert, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un vehiculo S.U.V bayendo pariba a para pa duna preferencia pa un auto di pazuid di caminda subi bay pabao pero net na e momentonan ey un motociclista a bay pasa e S.U.V y a




bay dal frontal riba e Hyundai Elantra cu a caba di subi caminda y e motociclista a cay y herida su mes.

Na yegada di e ambulance nan a atende e victima.



Stuurwiel di auto a bira duro y causa cu e auto a dal na acera y bolter




Dialuna anochi a drenta informe di un accidente cu hende herida pariba di e rotonde Ling & Sons riba E.J. "Watty" Vos blvd., mesora a dirigi tanto polis como ambulance na e sitio.

Na yegada di e patruya a bin compronde e declaracion di un chauffeur cu apenas un

luna cu rijbewijs declara cu e stuurwiel di e auto Nissan a bira duro y a bay dal na rand di e acera y esaki a pone e auto bolter.

Debi na e hecho cu el a bolter, e chauffeur a resulta herida. Na yegada di e ambulance nan a atende e dama na e sitio mes ya cu e no kier a bay hospital.



De Nieuwe Kerk ta bati belnan pa seyo honrando 25 aña di matrimonio di mesun sexo

(NLTimes) - Na De Nieuwe Kerk na Amsterdam a desvela un seyo special pa conmemora e di 25 aniversario di e prome matrimonio di mesun sexo, compaña pa batimento di belnan di misa. E seyo colorido ta representa tanto e diversidad di e comunidad queer como e logro di e aniversario di matrimonio igualitario, e organisacion a bisa.

E evento na De Nieuwe Kerk tambe a duna inicio na e conteo regresivo pa e Orguyo Mundial (World Pride) di e zomer aki na Amsterdam. E ciudad a ser selecta pa celebra e di 25 aniversario di matrimonio di mesun sexo, e di 30

Orguyo (Pride) Amsterdam, y e di 80 aniversario di COC.

Awor den su di 10 edicion, e festival internacional lo dura un siman mas largo cu e Orguyo (Pride) usual y ta anticipa cu e lo ta esun di mas grandi te ainda, atrayendo activistanan LGBTI di rond mundo.

Dia 8 di juli, Luna di Orguyo (Pride Month) ta cuminsa cu e apertura di e exposicion "Queer Amsterdam, the Pink City" (Queer Amsterdam, e Ciudad Ros), manera anuncia pa Paul Mosterd, director di De Nieuwe Kerk, y director di Orguyo, Lucien Spee de Castillo Ruiz.

E exposicion, cu ta tuma



lugar den e misa riba e Dam, ta honra e balentia y activ-

ismo di e comunidad LGBTI di Amsterdam, mientras cu e ta muestra tambe con fragil e libertadnan cu nan a obtene ta keda. E lo ta habri te cu 4 di april 2027.

Orguyo Mundial lo tuma luga durante e ultimo dos simannan di Luna di Orguyo, di 25 di juli pa 8 di augustus. E parada anual di boto, tipicamente e gran final di Orguyo Amsterdam, ta programa pa 1 di augustus, cu evento y festividadnan cu ta sigui pa un siman adicional. E tema pa e aña aki ta Unidad.

Un vocero a bisa, "Ora nos a selecta e tema, nos no tabatin niun idea cu mundo lo tabata den un agitacion asina. Awor e ta mas relevante y urgente cu nunca."

Te cu comienso di 2026, tabatin 25.000 pareha casa di mesun sexo na Hulanda, casi dividi igualmente entre homber y muhe. Amsterdam

tin e concentracion di mas halto, cu 44 pareha di mesun sexo pa cada 1.000 pareha casa, sigui pa Nijmegen y Groningen cu 35 y 29 pa cada 1.000, respectivamente.

Grupo di derechonan LGBTIQ+, ILGA ta informa cu 37 pais awor ta permiti matrimonio di mesun sexo. Den casi dos biaha mas tanto pais, homosexualidad ta keda ilegal, y na algun lugar, relacionnan di mesun sexo por hasta resulta den castigo di morto.

Alcalde Femke Halsema a casa tres pareha di mesun sexo na Amsterdam City Hall djis despues di mey anochi diaranson. Prome minister Rob Jetten a asisti na e matrimonionan, haciendo esaki un ocasion special. Como prome minister abiertamente homosexual di Hulanda, el a bisa cu tabata un honor pa e ta presente.

Resultado Sorteo 01 April 2026			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5571	7130	7379	6193
2502	4616	SUPER5	2611
2832	7159	-	9411

MERDIA	ANOCHI
 Sorteo # 4935 4158 4684 8857  FP  Sorteo # 4935 5334  X3  Sorteo # 2991 1286  Sorteo # 4935 7752 Piscis  Sorteo # 1809 240  X2	 Sorteo # 8814 0601 1806 5120  FP  Sorteo # 7858 6903  FP  Sorteo # 2563 4108  Sorteo # 6617 7333 Tauro  Sorteo # 1547 616  FP  Sorteo # 2684 0 x Jackpot 0 x Match 4+ 3 x Match 4 220 x Afl. 12,00  Sorteo # 7141 1 x Jackpot 4 x Match 4 187 x Afl. 8,00

 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 500.000,-
Afl 775.000,-	
 Sorteo #	Sorteo # 





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel.297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Oduber : Seroe Preto:
Tel. 582 1780 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

**Aruba Transfer Tour &
Taxi C.A.**
Tel: 582 2116 /582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Homber Mericano aresta pa publicacionnan riba Facebook cu ta menasa pa mata Trump



(AFP)—Un homber Mericano a ser aresta pa supuestamente menasa pa mata Donald Trump, oficialnan a bisa diaranson, describiendo un serie di publicacionnan riba Facebook cu tabata dirigi contra e presidente di Merca.

Andrew Emerald, di 45 aña, supuestamente a skirbi ocho mensahe riba e plataforma di red social den cual el a menasa pa herida y mata Trump, kende a ser toca levemente pa un bala di un agresor na 2024.

“Of Trump ta morto y den tera pa 2026 of mi ta caz’e y

pon’e den tera,” Emerald supuestamente a skirbi den un publicacion na mei 2025.

Den un otro publicacion yen di palabranan grosero mas despues den luna, e aparentemente a menasa pa ataca e resort personal di Trump na Florida.

“Mi lo percura pa bo ta na Mar-a-Lago ora mi kima e lugar completo,” Emerald a skirbi, segun un comunicado di Departamento di Husticia.

E residente di Massachusetts a ser acusa riba ocho cargo di transmision interestatal di comunicacionnan menas-

ante, un delito cu por resulta den te cinco aña di prison.

Tabatin varios caso similar envolviendo menasanen riba red social contra Trump.

Un homber na Virginia a ser condena na maart pa mas cu dos aña di prison pa manda menasanen online pa mata e presidente di Merca.

Trump a scapa por poco di un intento riba su bida na juli 2024 ora un agresor a tira riba dje durante un rally di campaña electoral na Pennsylvania.

Pronostico di tempo

Tempo:

Awe tardi y awe nochi: parcialmente nubla y seco
Den marduga y mañan: parcialmente nubla cu un awasero pasahero.

Temperatura maximo 32 grado celsius
Temperatura minimo 26 grado celsius
Indice di calor (heat index) den y rond di oranan di merdia: 33 pa 37 grado celsius
UV index: 12

Bahada di solo : 6:51 pm
Subida di solo : 6:35 am

Biento: Modera for di direccion oost- noordoost te oost; Forsa 3 te 4 (12 te 30 km/ora, 7 te 16 nudo). Durante di dia basta fuerte te posiblemente fuerte Den rafaga; forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora: E extension di e area di presion halto riba Atlantico lo sostene un biento modera te basta fuerte cu por yega fuerte den rafaga. Humedad den nivelnan mas abou di atmosfera ta wordo transporta cu e biento pa region local. Esaki lo induci de bes en cuando mas nubia cu algun awasero breve riba cierto partinan di e isla.

Condicionnan maritimo/ estado di lama:

Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia. Na partinan zuid no protegi: trankil te modera cu olanan alrededor di 2 pa localmente 3 pia. Na partinan oost te noordwest di costa: Generalmente modera cu olanan alrededor



di 4 pa 5 pia, localmente 6 pia den labaderanan modera for di noord- noordoost.

Aviso/alerta: Ocupantenan di boto chikito mester bay cu cautela na partinan oost, noord te noordwest di costa. Usuarionan di lama y landadonan tambe mester tene cautela na e partinan expone (no protegi) di costa zuid.

Aurora

Royal Pray

Funeral Home & Crematory

“Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon, mi por stens
di loke Señor ta hasi”
Salmo 33



David Anthony Allen
*01-10-1969 - †30-03-2026

Na number di:
Mama : Sira Jaqueline Koolman Allen
Tata : † Alfred Allen

Rumannan:
Dolores Allen & Ruben Yanez
John Allen

Subrino y subrinanan:
Cherelin Briezen-Groeneveldt & Darell Briezen
Kimberly Allen
John Jr. Allen & Esmee Broeders

Unico Tanta na Bida: Rosita Koolman

Tur Primo y Primanan.
Tur bon bisiñanan y amigo y amiganan.
Famia: Koolman, Quant, Danies, Rouse, Vlijt , Scott,
Wouters Jacapucci, Luydens, Groeneveldt, Gumbs,
Rasmijn, Lopez, Hernandez, Kelly, Wever, Maduro,
Stamper, Tromp, Kock, Steward, Vrolijk & De Cuba,
Yanez, Briezen, Heyliger, Martinus.

Gradicimento: Dr. Giel, Assistant Natasha, Staff di Wit
Gele Kruis & Pastor di Misa di Brazil
Nos disculpa si den nos tristesa nos por a lubida un of
otro famia y amistad.

Nos ta invita pa acto di condolencia y despedida
cual lo tuma lugar na Pray Funeral Home na San
Nicolaas, Diahuebs 02 April 2026 for di 9or pa 11or
di mainta. Cremacion lo tuma lugar despues den seno
familiar.

Nos ta lamenta cu despues di despedida nos lo no por
ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n
tin falta di nada
Den cunucu di yerba berde e
ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Graciela Geerman
Cariñosamente yama: “Chia”
*21-07-1935 – †31-03-2026

Acto di entiero lo wordo anuncia despues.

Aurora

Royal Pray

Funeral Home & Crematory

Drenta su portanan cu gradicimento,
drenta su tempel cu cantica di alabansa,
glorific’e, bendiciona su Nomber.
Salmo 100:4

Cu dolor na nos curason, nos ta participa fayecimento
di nos ser stima:



Sra. vda. Fortunata Wolff Lopez
Cariñosamente yama Omatje, Nata of Nanja”
*11-06-1936 - †29-03-2026

Casa: † Claudio L. Wolff

Yiunan:
Rafael Wolff y Maria
Alexander Wolff y Isabel
† Erwin Wolff
Reginald Wolff y Gloria
Claudette Boekhoudt - Wolff y Winston
Haydee Wolff
† Frederick Wolff
Nicolaas Wolff

Manera yiu: Angelica Sanches

Rumannan:
† Francisca Figaroa - Lopez
† Juan Lopez
† Romulo Lopez
Maria Lopez

Nietonan: Claudio, Jadira, †Jennifer, Nadja,
Norman, Melva, Jeffrey, Jonathan, Jennifer, Corina,
Josina, Winston Jr., Leopoldo, Indira, Elisabeth.

Bisanietonan: Jade, Josephine, Matteo, Jael,
Rendeline, Jesper, Sven, Jaxson, Jealiene, Jaydienne,
Jay, Jaycilianne, Jayron, Zaydion, Reangelo, Jurwin,
Allyssah, Leah, Ilona, Luz-Celine, Xavanna, Xerena,
Jelani, Jamylah.

Tataranietonan: Audrey, Jaydon y Eleanor
Prima y primonan
Subrina y subrinonan
Ihanan

Demas famia: Lopez, Wolff, Figaroa, Boekhoudt,
Siebert, Smits, Tomkinson, Wienecke, Tobias,
Tentativa, Nijenhuis, Maduro, Figuera Tremaria,
Franken, de Mey, Gamarra, Tromp, Leest, Farro,
Herrera, Zeng, Gomez, Kelly, Giel, Hoevertsz,
Eckmeyer y demas famia

Nos ta pidi nos disculpa si den nos dolor, nos por a
lubida algun famia of conoicir.

Condolencia lo tuma lugar diasabra 4 April 2026 na
Aurora Funeral Home, di 7or pa 9or di anochi.

Acto di entiero lo tuma lugar diamars 7 April 2026
di 2or pa 4or di atardi na Misa Santa Anna na Noord.
Despues lo sali pa Santana Catolico na Noord.

Aurora

Royal Pray

Funeral Home & Crematory

“Yo soy la resurrección
y la vida; el que cree en
mí, aunque esté muerto,
vivirá.
Y todo aquel que vive y
cree en mí, no morirá
eternamente”
Juan 11:25-26



Letti R. Chong w/v de Marchena
Cariñosamente yama “Mama Letti”
*17 Februari 1931 - †28 Maart 2026

Na number di su **Casa:**
† Benjamin “Mimin” de Marchena

Yiunan:
† Ines J. de Marchena w/v Vazquez y casa † Hector
Vazquez M.
Ingrid J. de Marchena e/v Ayers y casa Kenneth
Ayers
† Isaac Benjamin de Marchena y casa Amanda D. de
Marchena

Yiunan di criansa: Jeffrey y Gregory Chong

Rumanan:
† Norma, † casa y yiunan
† Greta, † casa y yiunan
† Luis Rudolf “Roy”, casa y yiunan
Donald “Donny”, † casa y yiunan
Leun Fat, casa y yiunan

Nietonan:
Benjamin “Benji”, Vanessa y Amanda Vazquez
Juan Ramon, Joshua, Leticia y Ingrid Rymmer
Eugenille, Isaac, †Cesar, Jesus David y Lisbeth de
Marchena

Bisnietonan:
Caroline, Christopher y Christian Vazquez
Isais Vazquez
Alexander y Jeandrick Caro, Asher Chirino y Aleeza
Vazquez
Christopher y Norma Miliano y Benjamin y Abigail
Nuñez
Sara y Rai Roga y Dustin y Carlos Perez
Isanti, Shaisha, Amin y Cesar de Marchena

Tataranietonan:
Irzienne y Irzah Rojer y Eltje Vazquez
Ava Oduber
Ashnaey de Marchena

Famianan: Chong, Chin, Chai, Becker, Ponson, de
Marchena, del Guidice, Canto, Frias.

Su primo y primanan, cuñanan, famia na Hulanda,
Republica Dominicana, Merca, Curacao, Alemania y
demas famia, conoiciran y amistadnan.

Si en caso den nos tristeza nos por a lubida algun
persona
of famia nos ta pidi nos mas sincero disculpa.

Acto di entiero lo tuma lugar diasabra 4 di april
2026 na Pray Funeral Home na San Nicolaas di 9or
di mainta te cu 11or di mainta. Despues lo sali pa
Santana Sabana Basora.

Nos disculpa pero despues di entiero no ta ricibi
bishita di condolencia na cas.

Corte Supremo ta mostra duda riba intento di Trump pa elimina ciudadanía pa nacimiento

(AFP)—Corte Supremo di Merca tabata parece cla diaranson pa rechasa intento historico di Donald Trump pa elimina ciudadanía pa nacimiento despues di un audiencia cu a inclui presencia extraordinario di e presidente Republicano.

E caso importante ta un pilar den Trump su intento pa restringi inmigracion y su decision pa asisti e argumento oral tabata sin precedente pa un presidente activo.

Trump a sali for di e audiencia despues di e presentacion di su abogado general, John Sauer, y no a keda pa scucha argumento di abogado di American Civil Liberties Union (ACLU), Cecilia Wang, ken tabata defendiendo ciudadanía pa nacimiento.

“Nos ta e unico Pais na mundo ESTUPIDO suficiente pa permiti ciudadanía pa ‘nacimiento’!” Trump a bisa den un publicacion riba red social despues di bolbe Cas Blanco.

Trump a firma un orden ehecutivo riba e prome dia di su di dos mandato decretando cu muchanan naci di mayornan cu ta na Merca ilegalmente of cu visa temporal no lo bira ciudadano automaticamente.

Cortenan inferior a blokea e medida, dictando cu segun clausula di ciudadanía di Fourteenth Amendment, casi tur hende naci riba tera di Merca ta ciudadano Mericano.

Sauer a bisa huesnan cu “ciudadanía pa nacimiento sin restricción ta contradeci practica di mayoría abrumador di paisnan moderno” y “ta menosprecia e don invaluable y profundo di ciudadanía Mericano.”

“E ta funciona como un factor fuerte cu ta hala inmigracion ilegal y ta recompensa stranheronan ilegal cu no solamente ta viola ley di inmigracion pero tambe ta salta dilanti di esnan cu ta sigui regla,” el a bisa.

E tambe ta stimula loke Sauer a yama “turismo di nacimiento,” unda stranheronan ta bin Merca djis pa duna luz.

E tres hues liberal y varios conservativo tabata muestra duda riba argumento di gobierno. Conservativonan



tin un mayoría di 6-3 den corte y tres hues a ser nombra pa Trump.

“Ta e mesun Constitucion’

Hues principal John Roberts, un conservativo, a puntra Sauer con comun “turismo di nacimiento” ta prome cu el a señala cu sin importa e cantidad, esaki lo no tin “ningun impacto riba analisis legal” di e caso.

“Nos ta den un mundo nobo awor,” e abogado general a bisa, “unda ocho bion hende ta un biahe di avion leu di tin un yiu cu ta ciudadano Mericano.”

“Wel, e ta un mundo nobo. E ta e mesun Constitucion,” Roberts a contesta.

E Fourteenth Amendment ta bisa cu “Tur persona naci of naturalisa den Merca, y suheto na su hurisdiccion, ta ciudadano di Merca.”

E no ta aplica na esnan cu no ta suheto na hurisdiccion di Merca — manera yiu di diplomatan stranhero — y Roberts a bisa cu gobierno ta parece di kier amplia excepcionnan “pa un clase henter di stranheronan ilegal,” un paso cu el a describi como “straño.”

Hues Brett Kavanaugh, otro conservativo, a puntra Sauer dicon e tabata cita politica di ciudadanía di otro paisnan.

“Nos ta interpreta ley Mericano cu precedente Mericano basa riba historia Mericano,” Kavanaugh a bisa. “Dicon nos mester pensa riba otro paisnan? Mi no ta mira relevancia como un asunto legal constitucional.”

Hues Neil Gorsuch, tambe conservativo, a bisa cu ora e Fourteenth Amendment a ser aproba na 1868, no tabatin algo manera inmigracion “ilegal.”

“Si un hende a yega aki na 1868 y a establece residencia, esaki tabata perfecto,” Gorsuch a bisa. “Pues dicon nos no lo conclui cu e hecho cu un hende por ta ilegal no ta relevante?”

Decision pa juli

Wang, abogado di ACLU, a bisa huesnan cu eliminacion di ciudadanía pa nacimiento lo pone na duda “ciudadanía di miyones di Mericanonan den pasado, presente y futuro.”

“Puntra cualkier Mericano con regla di ciudadanía ta, y nan lo bisa bo cu tur hende naci aki ta ciudadano,” Wang a bisa. “E regla a ser poni den e Fourteenth Amendment pa sak’e for di man di cualkier oficial di gobierno cu kier destrui esaki.”

Gobierno di Trump ta argumenta cu e Fourteenth Amendment, aproba despues di Guera Civil (1861-1865), ta trata derecho di ciudadano di esclavonan anterior y no yiu di migrantenan sin documento of bishitantenan.

Orden ehecutivo di Trump ta basa riba e idea cu cualkier hende na Merca ilegalmente of cu visa no ta “suheto na hurisdiccion” di e pais, y p’esey no ta cualifica pa ciudadanía automaticamente.

Corte Supremo a rechasa un definicion asina estricto den un caso importante na 1898 envolviendo un homber naci na San Francisco cu mayornan di China.

Si Corte Supremo rechasa eliminacion di ciudadanía pa nacimiento, esaki lo ta e di dos gran derota pa Trump den e mandato aki — huesnan a rechasa mayoría di su tarifa global na februari.

Un decision den e caso ta anticipa pa fin di juni of comienso di juli.



Aurora Royal Pray Funeral Home & Crematory

“Señor ta mi wardador,
mi’n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23



Nos ta anuncia
fayecimento di:

Maria Coromoto Ruiz
*07-07-1956 - †31-03-2026

Acto di entierro lo wordo anuncia despues.

Defensa di Canada ta drenta fase nobo cu Artico den enfoke, segun oficial militar



(AFP)—Defensa di teritorio di Canada y di region Artico ta drenta un fase nobo, oficial militar halto di e pais, Jennie Carignan, a bisa AFP, señalando cu “geografia” ya no ta ofrece proteccion manera antes.

Cu solamente Merca — considera pa hopi tempo como aliado — riba su frontera fisico, hunto cu dos oceano y e amplio region Artico, Can-

ada nunca mester a preocupa hopi pa su seguridad teritorial.

Pero cambio climatico y dirtimento di capa di ijs den Artico a haci e parti mas panort di su teritorio mas accesible — y pues mas deseable. Esaki, hunto cu tensionnan creciente entre Ottawa y Washington, a cambia e status quo.

Forsa arma di Canada a ser

obliga pa “transforma” nan mes, Carignan a bisa den un entrevista na Ottawa, describiendo esaki como un “momento decisivo” pa e pais.

Referiendo na e cambio radical causa pa cambio climatico, Carignan a bisa cu ta crucial pa Canada “posiciona su mes diferente” pa “sigura cu nos ta den control y ta asumi responsabilidad pa nos de-

fensa.”

“Tin un modernisacion di nos infraestructura, posicionamento previo di material y equipo... y un aumento den cantidad di ehercicio y otro operacionnan militar den norte di Canada.”

E Artico, unda temperatura ta subi tres te cuatro biaha mas rapido cu otro lugar riba planeta, a bira un area desea pa varios pais. Dirtimento di ijs di lama a facilita acceso na recursonan natural importante manera mineral y pisca, y rutanen maritimo nobo awor ta habri.

Inversionnan den defensa

Mas ampliamente, Canada mester a adapta na realidadnan global cu ta cambia y laga atras misionnan specifico di e ultimo tres decada, manera den Afganistan.

Forsanan Canades mester prepara pa conflicto “di escala mas grandi,” Carignan a bisa, mientras nan tambe ta rebalsan nan cadena di suministro militar pa depende menos di Merca.

E pais a crea un agencia dedi-

ca na inversionnan relaciona cu defensa pa fortalece su base industrial domestico. Esaki a rekeri cambionan den presupuesto.

Carignan a bisa cu e ta satisfecho cu e gasto militar a yega dos por ciento di GDP, conforme cu un meta di NATO.

Sinembargo, el a bisa cu “inversionnan sosteni y stabiel durante e proximo 10–15 aña” ta necesario pa logra e esfuersonan di transformacion y modernisacion.

Carignan, ken a ser nombra Hefe di Estado Mayor di Defensa na juli 2024, ta e prome muher cu ta ocupa un puesto asina den un pais di Grupo di Siete.

El a bisa cu e ta spera cu su ehempel por sirbi como un “modelo” pa otro muhernan, notando cu un aumento reciente di candidatonan ta muestra cu esfuersonan di reclutamento ta dunando resultado na Canada.

E pais tin como meta inverti CAN \$500 mion (\$360,1 mion di dollar Mericano) den defensa durante e proximo 10 aña.

Sur Africa ta desplega ehercito na barrio di Cape Town afecta pa criminalidad

(AFP)—Soldadnan di Sur Africa a drenta barrio cu ta domina pa gang na Cape Town diaranson, mientras dos persona a ser mata den violencia nobo, casi 50 dia despues cu e presidente a ordena e despliegue.

Tropanan cu equipo completo di combate y arma di asalto a baha for di vehiculonan blinda cu a yega na Mitchells Plain, un barrio den Cape Flats.

E area, situa entre Cape Town — un destino turistico popular — ta plaga pa asenato y ta sufri di guera di teritorio entre gang y atakenan di represalia.

Dos homber, di 25 y 33 aña, a ser tira morto den un atake 5or di mainta den area bisña Hanover Park.

Mas tempran, rond di 2:45 di mainta, un homber di 27 aña a resulta herida den un otro tiroteo den Mitchells Plain.



“Mi tin miedo pa mi yiunan,” un wela di 65 aña a bisa, pidiendo anonimidad, sospechando cu su patio patras ta ser usa como punto di vigilancia anochi.

“Tur anochi mi no ta drumi,” el a bisa, agregando cu su yiu muher saliendo 4ordi mainta ta pon’e bira “hopi ansioso.”

Tiroteonan ta pasa tur ora, incluyendo ora muchanan bay y bolbe for di scol, un pensio-

nado di 69 aña, Malvin Gordan, a bisa. E despliegue a ser bon ricibi, el a bisa, pasobra “presencia so” di tropanan ta pone miembronan di gang hala atras.

Cape Flats a mira un di su simannan mas mortal na augustus ora polis a registra 59 asenato den siete dia.

E violencia ey y otro lugar a pone presidente Cyril Ramaphosa anuncia na februari

e despliegue pa fortalece e forsa policial cu ta luchando, bisando cu criminalidad ta un di e mayor menasanan pa Sur Africa.

Excluyendo paisnan den guera, Sur Africa tin un di e tasa di homicidio mas halto na mundo, cu un promedio di 60 asenato reporta tur dia.

Yama “Operacion Prosper,” e despliegue lo dura un aña

y cubri cinco di e nuebe provincia, incluyendo Gauteng — cas di e capital financiero Johannesburg — segun un plan presenta na parlamento.

E ta mobilisa mas cu 2.200 soldad pa sostene polis den combati creciente di criminalidad y mineria ilegal.

Sur Africa a recurri na ehercito repetidamente den momentonan di crisis, for di impone lockdown estricto di Covid-19 na 2020 te desplega tropanan durante disturbionan mortal despues di e encarcelacion di ex-presidente Jacob Zuma na 2021.

Soldadnan tambe a ser manda ey na 2023 despues di un ola di trucknan kima cu a crea miedo di un disturbio mas grandi.

Na 2019, mas o menos 1.300 soldad a ser desplega pa yuda polis den e area di Cape Flats cerca di Cape Town afecta pa gang.

Trump lo haci un anuncio for di Cas Blanco mientras China ta negocia cu Iran

(Infobae) - E presidente di Merca lo describi su siguiente pasonan militar y diplomatico, mientras Beijing ta propone habri e Estrecho di Hormuz na cambio di un tregua cu lo permiti pa cuminsa combersacionnan entre e Cas Blanco y e regimen shiita.

Un movimiento diplomatico cu tin respaldo di e Cas Blanco por conduci na un alto-el-fuego inespera den e guerra den Medio Oriente y habri un espacio di negociacion entre Merca y Iran. China ta e principal cumpra di petroleo di Iran, y esaki ta duna e pais asiatico un influencia fuerte riba e regimen shiita. Pakistan a bira un interlocutor confiabel pa e administracion republicano, y e ta mantene contacto directo cu Teheran.

E caso di China ta un paradox: durante henter e conflicto el a colabora cu Iran dunando inteligencia y apoyo tecnologico na e ayatola nan, y awor el ta intenta saca un beneficio geopolitico door di negociacionnan indirecto entre e dos enemigonan.

Merca a entrega na Pakistan un propuesta di 15 punto dirigi



na Iran cu e obhetivo di yega na un acuerdo diplomatico cu permiti pa e guerra termina.

Teheran a laga e iniciativa di Merca na un banda, pero el a laga habri un 'rendija' diplomatico.

Den e contexto aki, Pakistan a propone na Washington pa usa e influencia di China riba Iran pa acerca posicionnan an-

tagonista entre e Cas Blanco y e ayatollahs.

E administracion di Trump a duna luz berde na e iniciativa pakistani, y tabatin un reunion decisivo den Beijing pa crea un propuesta di pas cu busca satisfice interesnan di Merca y Iran.

E propuesta diplomatico, redacta "na cuater man" door di

Ishaq Dar y Wang Yi, ta plania un paro inmediato di hostilidadnan, cu asistencia humanitario permiti den tur e areanan afecta door di guerra. Tambe e ta contempla cu combersacionnan di pas mester cuminsa lo mas pronto posible, bao di e principio di proteha e independencia y seguridad di Iran y di e estadonan di e Golfo.

Durante e dialogonan, tur e partinan mester compromete nan mes pa no usa ni menasa cu uso di forsa.

Ademas, e texto ta propone cu e partinan den conflicto mester para inmediatamente cu atakenan contra infraestructura importante, incluyendo instalacionnan di energia, desalinizacion, coriente electrico y infraestructura nuclear pacifico manera planta nuclear. E plan tambe ta contempla cu mester tin paso seguro y trepan pa barconan civil y comercial, y cu e paso normal pa e Estrecho di Hormuz mester ser reestableci lo mas pronto posible.

Tur esaki lo tin como meta final yega na un acuerdo amplio di pas, basa riba e principionan di e Carta di Nacionnan Uni y e derecho internacional.

E propuesta diplomatico crea door di China y Pakistan a ser manda ayera pa medio di canalnan diplomatico na Merca y Iran.

E hecho mas auspicioso ta cu tanto e Cas Blanco como e regimen shiita a keda na silencio, pasobra e negociacionnan ta sigui den tres orario diferente.

E clave di e iniciativa redacta den Beijing ta cu e Estrecho di Hormuz por habri sin demora, un hecho politico cu lo permiti cu e prijs di un bari di petroleo baha, algo cu e economia di Merca ta necesita.

Asina, Iran lo permiti e paso di tankernan cu ta bay pa Occidente, si Merca acepta e tregua y duna respaldo na un mesa diplomatico pa defini un acuerdo entre Washington y Teheran.

E intercambio compleho aki ta loke ta ser discuti entre Washington, Islamabad, Beijing y Teheran, mientras e combatinanan ta sigui den Medio Oriente.

Si e presidente di Merca acepta e propuesta di China y Pakistan, el lo anuncia e cese di hostilidadnan, e apertura rapido di e Estrecho di Hormuz y e decision politico di sostene un mesa di negociacion cu Teheran.

Pero si Trump kier cu e Estrecho di Hormuz habri y cu Iran tambe acepta cancela su plan nuclear y para cu fabricacion di misil balístico, entonces su anuncio anochi lo ta hopi diferente.

Teheran no kier entrega na Merca e 600 kilo di uranio enrikece cu e tin den su poder, y tampoco lo acepta cu su plantanan di fabricacion di misil ser converti den un museo militar.

Asina, e marco di negociacion ta awor den man di Trump, mientras e capacidad pa influencia Iran ta depende di Xi Jinping.

Den algun ora lo keda cla si a tabata posible reconcilia e exigencianan geopolitico di Merca cu e instinto di sobrevivencia di Iran.

Un hipotesis di trabao cu, te anochi na Washington D.C., ainda no tabatin su final skribi.

Fin di Siman di Pasco Grandi

SVb ta participa cu tur oficina ta sera riba

Diabierna 3 di april 2026
Diasabra 4 di april 2026
Diadomingo 5 di april 2026
Dialuna 6 di april 2026

POR NOTIFICA AO unicamente den e MiSVb Trahado App.
 Orario: 7:00am pa 11:00am.

Clientenan cu haya problema cu e MiSVb Trahado App por comunica pa ayudo via di
Whatsapp +297 527 2727
 (unicamente texto.)

Pa mas informacion:
www.svbaruba.org/misvbtrahado

Like us on Facebook

facebook.com/bondianoticia